

漢書門類			
二	三	四	五
冊	架	函	號

内閣文庫			
二	三	四	五
冊	架	函	號

内閣文庫	
番號	漢 5032
冊數	30 ( 11 )
函號	280 28

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale

G Y M

© Kodak, 2007 TM: Kodak



綴じ部(喉部分)の文字など開きが不鮮明な箇所あり



勸學齋文庫

晉書四十一

唐太宗文皇帝

淡泉

御製

勸學齋

賈充

大魏  
官  
印

賈充字公閭平陽襄陵人也父逵魏豫州刺史陽里  
亭侯逵晚始生充言後當有充閭之慶故以為名字  
焉充少孤居喪以孝聞龔父爵為侯拜尚書郎典定  
科令兼度支考課辨章節度事皆施用累遷黃門侍  
郎汲郡典農中郎將參大將軍軍事從景帝討毋丘  
儉文欽在樂嘉帝疾篤還許昌留充監諸軍事以勞  
增邑三百五十戶後為文帝大將軍司馬轉右長史

三百三

晉書

帝新執朝權，恐方鎮有異議，使充詣諸葛誕圖欲伐吳。陰察其變，充既論說時事，因謂誕曰：「天下皆願禪代君，以爲何如？」誕厲聲曰：「卿非賈豫州子乎？世受魏恩，豈可欲以社稷輸人乎？若洛中有難，吾當死之。」充默然。及還，白帝曰：「誕在揚州，威名夙著，能得人死力，觀其規略，爲反必也。今徵之反速，而事小，不徵事遲，而禍大。帝乃徵誕爲司空，而誕果叛。復從征，誕充進計曰：『楚兵輕而銳，若深溝高壘，以逼賊城，可不戰而剋也。』帝從之。城陷，帝登壘以勞充，帝先歸洛陽，使充統後事。進爵宣陽鄉侯，增邑千戶，遷廷尉。充雅長法理，有平反之稱。轉中護軍，高貴鄉公之攻相府也，充率衆距戰於南關，軍將敗，騎督成倅弟太子舍人濟謂充曰：『今日之事何如？』充曰：『公等養汝正擬今日復何疑？濟於是抽戈犯蹕，及常道鄉公即位，進封安陽鄉侯，增邑千二百戶，統城外諸軍，加散騎常侍，鍾會謀反於蜀，帝假充節，以本官都督關中。隴右諸軍事，西據漢中，未至而會死，時軍國多事，朝廷機密皆與籌之。帝甚信重充，與裴秀、王沉、辛祐、荀勗同受腹心之任。帝又命充定法律，假金章，賜甲第一區，五等初建封臨沂侯，爲晉元勳，深見寵異，祿賜常優於群官。」

充有刀筆才能觀察上旨初文帝以景帝恢贊王業  
方傳位於舞陽侯攸充稱武帝寬仁且又居長有人  
君之德宜奉社稷及文帝寢疾武帝請問後事文帝  
曰知汝者賈公問也帝襲王位拜充晉國衛將軍儀  
同三司給事中改封臨穎侯及受禪充以建明大命  
轉車騎將軍散騎常侍尚書僕射更封魯郡公母柳  
氏為魯國太夫人充所定新律既班于天下百姓便  
之詔曰漢氏以來法令嚴峻故自元成之世及建安  
嘉平之間咸欲辨章舊典刪革刑書述作體大歷年  
無成先帝愍元之命陷於密網親發德音釐正名

實車騎將軍賈充獎明聖意詔詢善道太傅鄭沖又  
與司空荀顛中書監荀勗中一軍將軍羊祜中護軍王  
業及廷尉杜友守河南尹杜預散騎侍郎裴楷穎川  
太守周雄齊相郭頡騎都尉成公綏荀勗尚書郎柳  
軌等典正其事朕每鑒其用心常慨然嘉之今法律  
既成始班天下刑寬禁簡足以克當先旨昔蕭何以  
定律受封叔孫通以制儀為奉常賜金五百斤弟子  
皆為郎夫立功立事古之所重自太傅車騎以下皆  
加祿賞其詳依故典於是賜充子弟一人關內侯綰  
五百疋固讓不許後代裴秀為尚書令常侍車騎將

軍如故尋改常侍為侍中賜絹七百疋以母憂去職  
詔遣黃門侍郎慰問又以東南有事遣典軍將軍楊  
暉宣諭使六旬還內充為政務農節用并官省職帝  
善之又以文武異容求罷所領兵及羊祐等出鎮充  
復上表欲立勲邊境帝並不許從容任職褒貶在已  
頗好進士每有所薦達必始終經緯之是以士多歸  
焉帝舅王恂嘗毀充而充更進恂或有背充以要權  
貴者充皆陽以素意待之而充無公方之操不能正  
身率下專以諂媚取容侍中任愷中書令庾純等剛  
直守正咸共疾之又以充女為齊王妃懼後益盛及  
氏羌反叛時帝深以為慮愷因進說請充鎮關中乃  
下詔曰秦涼二境比年屢敗胡虜縱暴百姓荼毒遂  
使異類扇動害及中州雖復吳蜀之寇未嘗至此誠  
由所任不足以內撫夷夏外鎮醜逆輕用其衆而不  
能盡其力非得心腹之重推轂委成大匡其弊恐為  
患未已每慮斯難忘寢與食侍中守尚書令車騎將  
軍賈充雅量弘高遠見明遠武有折衝之威文懷經  
國之慮信結人心名震域外使權統方任綏靜西夏  
則吾無西顧之念而遠近獲安矣其以充為使持節  
都督秦涼二州諸軍事侍中車騎將軍如故假羽葆

鼓吹給第一駙馬朝之賢良欲進忠規獻替者皆幸  
充此舉望隆惟新之化充既外出自以為失職深銜  
任愷計無所從將之鎮百僚餼于夕陽亭荀勗私焉  
充以憂告勗曰公國之宰輔而為一夫所制不亦鄙  
乎然是行也辭之實難獨有結婚太子不頓駕而自  
留矣充曰然孰可言懷對曰勗請行之俄而侍宴論  
太子婚姻事勗因言充女才質令淑宜配儲宮而楊  
皇后及荀顗亦並稱之帝納其言會京師大雪平地  
二尺軍不得發既而皇儲當婚遂不西行詔充居本  
職先是羊祜密啓留充及是帝以語充充謝祜曰始  
知君長者時吳將孫秀降拜為驃騎大將軍帝以充  
舊臣欲改班使車騎居驃騎之右充固讓見聽尋遷  
司空侍中尚書令領兵如故會帝寢疾充及齊王攸  
荀勗參醫藥及疾愈賜絹各五百匹初帝疾薦朝廷  
屬意於攸河南尹夏侯和謂充曰卿二女婿親踈等  
耳立人當立德充不荅及是帝聞之徙和光祿勳乃  
奪充兵權而位遇無替尋轉太尉行太子太保錄尚  
書事咸寧三年日食於三朝充請遜位不許更以沛  
國之公丘益其封寵偉愈甚朝臣咸側目焉河南尹  
王恂上言弘訓太后入廟合食於景皇帝齊王攸不

得行其子禮充議以為禮諸侯不得祖天子公子不得禘先君皆謂奉統承祀非謂不得復其父祖也彼身宜服三年喪事自如臣制有司奏若如充議臣子服行臣制未有前比宜如恂表攸喪服從諸侯之例帝從充議伐吳之役詔充為使持節假黃鉞大都督摠統六師給羽葆鼓吹緹幢兵萬人騎二千置左右長史司馬從事中郎增參軍騎司馬各十人帳下司馬二十人大車官騎各三十人充慮大功不捷表陳西有昆夷之患北有幽并之戍天下勞擾年穀不登興軍致討懼非其時又臣老邁非所克堪詔曰君不行吾便自出充不得已乃受節鉞將中軍為諸軍節度以冠軍將軍楊濟為副南屯襄陽吳江陵諸守皆降充乃徙屯項王濬之剋武昌也充遣使表曰吳未可悉定方夏江淮下濕疾疫必起宜召諸軍以為後圖雖腰斬張華不足以謝天下華豫平吳之策故充以為言中書監荀勗奏宜如充表帝不從杜預聞充有奏馳表固爭言平在旦夕使及至輟轅而孫皓已降吳平軍罷帝遣侍中程咸犒勞賜充帛八千匹增邑八千戶分封從孫暢新城亭侯蓋安陽亭侯弟陽里亭侯混從孫關內侯眾增戶邑充本無南伐之謀



固諫不見用及師出而吳平大慙懼議欲請罪帝聞  
充當詣闕豫辛東堂以待之罷節鉞僚佐仍假鼓吹  
麾幢充與群臣上告成之禮請有司具其事帝謙讓  
不許及疾篤上印綬遜位帝遣侍臣諭旨問疾殿中  
太醫致湯藥賜牀帳錢帛自皇太子宗室躬省起居  
太康三年四月薨時年六十六帝為之慟使使持節  
太常奉策追贈太宰加袞冕之服綠綬綬御劔賜東  
園秘噐朝服一具衣一襲大鴻臚護喪事假節鉞前  
後部羽葆鼓吹緹麾大路鑾路輜輶車帳下司馬大  
車椎斧文衣武賁輕車介士墓禮依霍光及安平獻

王故事給塋田一頃與石苞等為王功配饗廟庭謚

曰武追贈充子黎民為魯瑒公充婦廣成君郭槐性  
妬忌初黎民年三歲乳母抱之當閤黎民見充入喜  
笑充就而拊之槐望見謂充私乳母即鞭殺之黎民  
戀念發病而死後又生男過晷復為乳母所抱充以  
手摩其頭郭疑乳母又殺之兒亦思慕而死充遂無  
胤嗣及薨槐輒以外孫韓謚為黎民子奉充後郎中  
令韓咸中尉曹軫諫槐曰禮大宗無後以小宗支子  
後之無異姓為後之文無令先公懷腆后土良史書  
過豈不痛心槐不從咸等上書求改立嗣事寢不報

槐遂表陳是充遺意帝乃詔曰太宰魯公充崇德立  
勳勤勞佐命背世殂隕每用悼心又胤子早終世嗣  
未立古者列國無嗣取始封支庶以紹其統而近代  
更除其國至於周之公旦漢之蕭何或豫建元子或  
封爵元妃蓋尊顯勳庸不同常例太宰素取外孫韓  
謚為世子黎民後吾退而斷之外孫骨肉至近推恩  
計情合於人心其以謚為魯公世孫以嗣其國自非  
功如太宰始封無後如太宰所取必以己自出不如  
太宰皆不得以為比及下禮官議充謚博士秦秀議  
謚曰荒帝不納博士段暢希旨建議謚曰武帝乃從  
之自充薨至葬賻賜二十萬惠帝即位賈后擅權加

充廟備六佾之樂母郭為宜城君及郭氏亡謚曰宣  
特加殊禮時人譏之而莫敢言者初充前妻李氏淑  
美有才行生二女褒裕褒一名荃裕一名濬父豐誅  
李氏坐流徙後娶城陽太守郭配女即廣城君也武  
帝踐祚李以大赦得還帝特詔充置左右夫人充母  
亦勅充迎李氏郭槐怒攘袂數充曰判定律令為佐  
命之功我有其分李那得與我並充乃荅詔託以謙  
冲不敢當兩夫人盛禮實畏槐也而荃為齊王攸妃  
欲令充遣郭而還其母時沛國劉舍母及帝舅羽林

監王慶前妻皆母丘儉孫女此例既多質之禮官皆不能決雖不遣後妻多異居私通充自以宰相為海內準則乃為李築室於六年里而不往來荃濬每號泣請充充竟不往會充當鎮關右公卿供帳祖道荃濬懼充遂去乃排慢出於坐中叩頭流血向充及群僚陳母應還之意衆以荃王妃皆驚起而散充甚愧愕遣黃門將宮人扶去既而郭槐女為皇太子妃帝乃下詔斷如李比皆不得還後荃恚憤而薨初槐欲省李氏充曰彼有才氣卿往不如不往及女為妃槐乃盛威儀而去既入戶李氏出迎槐不覺脚屈因遂

再拜自是充每出行槐輒使人尋之恐其過李也初

充母柳見古今重節義竟不知充與成濟事以濟不忠數追罵之侍者聞之無不竊笑及將亡充問所欲言柳曰我教汝迎李新婦尚不肯安問他事遂無言及充薨後李郭二女乃欲令其母附葬賈后弗之許也及后廢李氏乃得合葬李氏作女訓行於世謚字長深母賈午充少女也父韓壽字德真南陽堵陽人魏司徒暨會孫美姿貌善容止賈充辟為司空掾充每讌賓寮其女輒於青瑣中窺之見壽而悅焉問其左右識此人不有一婢說壽姓字云是故主人女大

感想發於寤寐。婢後往壽家，具說女意，并言其女光  
麗豔逸，端美絕倫。壽聞而心動，便令為通殷勤。婢以  
白女，女遂潛脩音好，厚相贈結。呼壽夕入，壽勁捷過  
人，踰垣而至。家中莫知，惟充覺其女悅暢，異於常日。  
時西域有貢奇香一著，人則經月不歇，帝甚貴之。惟  
以賜充及大司馬陳騫，其女密盜以遺壽。充察屬與  
壽燕處，聞其芬馥，稱之於充。自是充意知女與壽通，  
而其門閣嚴峻，不知所由得入。乃夜中陽驚有盜，因  
使循牆以觀其變。左右白曰：無餘異，惟東北角如狐  
狸行處，充乃考問女之左右，具以狀對。充秘之，遂以  
女妻壽。壽官至散騎常侍，河南尹。元康初卒，贈驃騎  
將軍，謚好學。有才思，既為充嗣，繼佐命之後。又賈后  
專恣，謚權過人。主至乃鑱繫，門侍郎其為威福。如  
此，負其驕寵，奢侈踰度，室宇崇僭，器服珍麗，歌僮舞  
女，選極一時。開閣延賓，海內輻湊，貴遊豪戚及浮競  
之徒，莫不盡禮事之。或著文章，稱美謚，以方賈誼、渤  
海石崇、歐陽建、滎陽潘岳、吳國陸機、陸雲、蘭陵繆徵、  
京兆杜斌、摯虞、琅邪諸葛詮、弘農三粹、襄城杜育、南  
陽鄒捷、齊國左思、清河崔基、沛國劉瓌、汝南和郁、周  
恢、安平索秀、潁川陳畛、太原郭彰、高陽許猛、彭城劉

訥中山劉輿劉琨皆傳會於謚號曰二十四友其餘  
不得預焉歷位散騎常侍後軍將軍廣城君薨去職  
喪未終起為秘書監掌國史先是朝廷議立晉書限  
斷中書監荀勗謂宜以魏正始起年著作即王瓚欲  
引嘉平已下朝臣盡入晉史于時依違未有所決惠  
帝立更使議之謚上議請從泰始為斷於是事下三  
府司徒王戎司空張華領軍將軍王衍侍中樂廣黃  
門侍郎嵇紹國子博士謝衡皆從謚議騎都尉濟北  
侯荀爽侍中荀藩黃門侍郎華混以為宜用正始開  
元博士荀熙乃協謂宜嘉平起年謚重執奏戎華之  
議事遂施行尋轉侍中領秘書監如故謚時從帝幸  
宣武觀校獵諷尚書於會中召謚受拜誡左右勿使  
人知於是眾疑其有異志矣謚既親貴數入二宮共  
懸懷太子遊處無屈降心常與太子弈棋爭道成都  
王穎在坐正色曰皇太子國之儲君貴謚何得無禮  
謚懼言之於右遂出穎為平北將軍鎮鄴及為常侍  
侍講東宮太子意有不悅謚患之而其家數有妖異  
飄風吹其朝服飛上數百丈墜于中丞臺又虵出其  
被中夜暴雷震其室柱陷入地壓毀牀帳謚甚恐及  
遷侍中專掌禁內遂與后成謀誣陷太子及趙王倫

廢后以詔召謚於殿前將戮之走入西鍾下呼曰阿  
后救我乃就斬之韓壽少弟蔚有器望及壽兄輩令  
保弟散騎侍郎預吳王友鑒謚母賈午皆伏誅初充  
伐吳時常屯項城軍中忽失充所在充帳下都督周  
勤時晝寢夢見百餘人錄充引入一逕勤驚覺聞失  
充乃出尋索忽覩所夢之道遂往求之果見充行至  
一府舍侍衛甚盛府公南面坐聲色甚厲謂充曰將  
亂吾家事必爾與荀勗既惑吾子又亂吾孫間使江  
愷黜汝而不去又使庾純詈汝而不改今吳寇當平  
汝方表斬張華汝之閹翹皆此類也若不悛真當旦  
夕加罪充因叩頭流血公曰汝所以延日月而名器  
如此者是衛府之勲耳終當使係嗣死於鍾虓之間  
大子斃於金酒之中小子困於枯木之下荀勗亦宜  
同然其先德小濃故在汝後數世之外國嗣亦替言  
畢命去充忽然得還營顏色憔悴性理昏喪經日乃  
復及是謚死於鍾下賈后服金酒而死賈午考竟用  
大杖終皆如所言趙王倫之敗朝廷追述充勲議立  
其後欲以充從孫散騎侍郎衆為嗣衆陽狂自免以  
子禿後充封魯公又病死未與中立充從曾孫湛為  
魯公奉充後遭亂死國除泰始中人為充壽謚曰賈

嘉靖九年補刊

子川序一

三

裴王亂紀綱王裴賈濟天下言亡魏而成晉也

充弟混字宮奇篤厚自守無殊才能太康中為宗正鄉歷鎮軍將軍領城門校尉加侍中封永平侯卒贈中軍大將軍儀同三司充從子彝遵並有鑒裁俱為黃門郎遵弟模最知名

模字思範少有志尚頗覽載籍而沉深有智筭確然難奪深為充所信愛每事籌之焉充年衰疾劇恒憂已謚傳模曰是非久自見不可掩也起家為邵陵令遂歷事二宮尚書中郎即以公事免起為車騎司馬

豫誅楊駿封平陽侯邑千戶及楚王瑋喬詔害之南王亮太保衛瓘詔殺模將中騶三百人救之是時

賈后既豫朝政欲委信親黨拜模散騎常侍二日擢為侍中模乃盡心匡弼推張華裴頠同心輔政數年之中朝野寧靜模之力也乃加授光祿大夫然模潛執權勢外形欲遠之每事啓奏賈后事入輒取急或託疾以避之至於素有嫌忿多所中陷朝廷甚憚之加貪冒聚斂富擬王公但賈后性甚彘模每盡言為陳禍福后不能從反謂模毀已於是委任之情日衰而讒間之徒遂進模不得志憂憤成疾卒追贈車騎將軍開府儀同三司謚曰成子遊字彥將嗣歷官

太子侍講員外散騎侍郎

郭彰

郭彰字叔武太原人賈后從舅也與賈充素相親遇充妻待彰若同生歷散騎常侍尚書衛將軍封冠軍縣侯及賈后專朝彰豫參權勢物情歸附賓客盈門世人稱為賈郭謂謚及彰也卒謚曰烈

楊駿

楊駿字文長弘農華陰人也少以王官為高陸令驍騎鎮軍二府司馬後以石父超居重任自鎮軍將軍遷車騎將軍封臨晉侯識者議之曰夫封建諸侯所以藩屏王室也石父始

封而以臨晉為侯兆於亂矣尚書褚碧郭奕並表駿小器不可以任社稷之重武帝不從帝自太康以後天下無事不復留心萬機惟耽酒色始寵后黨請謁公行而駿及玠濟勢傾天下時人有三楊之號及帝疾篤未有顧命佐命功臣皆已沒矣朝臣惶惑計無所從而駿盡斥群公親侍左右因輒改易公卿樹其心腹會帝小間見所用者非乃正色謂駿曰何得便爾乃詔中書以汝南王亮與駿夾輔王室駿恐失權寵從中書借詔觀之得便藏匿中書監華廙恐懼自



往索之終不肯與信宿之間上疾遂篤后乃奏帝以  
駿輔政帝領之便召中書監華廬令何劭口宣帝旨  
使作遺詔曰昔伊望作佐勳垂不朽周霍拜命名冠  
往代侍中車騎將軍行太子太保領前將軍楊駿經  
德履詰鑒識明遠毗翼二宮忠肅茂著宜正位上台  
擬跡阿衡其以駿為太尉太子太傅假節都督中外  
諸軍事侍中錄尚書領前將軍如故置參軍六人步  
兵三千人騎千人移止前衛將軍班政府若止宿殿  
中宜有翼衛其羊一左右衛三都司馬各二十人殿中  
都尉司馬十人給駿令得持兵仗出入詔成石對  
真劭以呈帝帝親觀而無言自是二日而崩駿遂

寄託之重居太極殿拜宮將殯六宮出辭而駿不下

殿以武賁百人自衛不恭之迹自此而始惠帝即位  
進駿為太傅大都督假黃鉞錄朝政百官摠已慮左  
右間已乃以其甥段廣張邵為近侍之職凡有詔命  
帝省訖入呈太后然後乃出駿知皇后情性難制甚  
畏憚之又多樹親黨皆領禁兵於是公室怨望天下  
憤然矣駿弟玠濟皆有雋才數相諫止駿不能用因  
廢於家駿闇於古義動違舊典武帝崩未踰年而改  
元議者咸以為違春秋踰年書即仁之義朝廷惜於  
前矣令史官沒之故明年正月復改以年焉駿自知素

晉書卷之六十五

無羨望懼不能輯和遠近乃依魏明帝即位故事遂  
大開封賞欲以悅衆為政嚴碎復誅自用不允衆心  
馮翊太守孫楚素與駿厚說之曰公以外戚居伊霍  
之重握大權輔弱主當仰思古人至公至誠謙順之  
道在周則周召為宰在漢則朱虛不牟未有庶姓專  
朝而克終慶祚者也今宗室親重藩王方壯而公不  
與共參萬機內懷猜忌外樹私昵禍至無日矣駿不  
能從弘訓少府蒯欽駿之姑子少而相昵直亮不回  
屢以正言犯駿跳濟為之寒心欽曰楊文長雖闇猶  
知人之無罪不可誅殺必當諫我我得諫外可以不  
俱死不然傾宗覆族其能久乎殿中中郎孟觀李  
肇素不為駿所禮陰構駿將圖社稷賈后欲預政事  
而憚駿不得逞其所欲又不肯以婦道事皇太后黃  
門董猛始自帝之為太子即為寺人監在東宮給事  
於賈后密通消息於猛謀廢太后猛乃與肇觀潛相  
結托賈后又令肇報大司馬汝南王亮使連兵討駿  
亮曰駿之凶暴死亡無日不足憂也肇報楚王瑋瑋  
然之於是求入朝駿素憚瑋先欲召入防其為變因  
遂聽之及瑋至觀肇乃啓帝夜作詔中外戒嚴遣使  
奉詔廢駿以侯就第東安公繇率殿中四百人隨其

後以討駿段廣跪而言於帝曰楊駿受恩先帝竭心  
 輔政且孤公無子豈有反理願陛下審之帝不荅時  
 駿居曹爽故府在武庫南聞內有變召眾官議之太  
 傅主簿朱振說駿曰今內有變其趣可知必是閹豎  
 為賈后設謀不利於公宜燒雲龍門以示威索造事  
 者首開萬春門引東宮及外營兵公自擁翼皇太子  
 入宮取姦人殿內震懼必斬送之可以免難駿素怯  
 懦不決乃曰魏明帝造此大功奈何燒之侍中傅祗  
 夜白駿請與武茂俱入雲龍門觀察事勢祗因謂群  
 寮官中不宜空便於是皆走尋而殿中兵出燒  
 駿府又令弩士於閣上臨駿府而射之駿兵皆不得

出駿逃于馬廐以戟殺之觀等受賈后密旨誅駿親  
 黨皆夷三族死者數千人又令李肇焚駿家秘書賈  
 后不欲令武帝顧命手詔聞于四海也駿既誅莫敢  
 收者惟太傅舍人巴西閹纂殞歛之初駿徵高士孫  
 登遺以布被登截被於門大呼曰斫斫刺刺旬日託  
 疾詐死及是其言果驗永熙中溫縣有人如狂造書  
 曰光光文長大戟為牆毒藥雖行戟還自傷及駿居  
 內府以戟為衛焉永寧初詔曰舅氏失道宗族隕墜  
 渭陽之思孔懷感傷其以務亭侯楊超為奉朝請騎

都尉以慰蓼莪之思焉

珧字文琚歷位尚書令衛將軍素有名稱得幸在武帝時望在駿前以兄貴盛知權寵不可居自乞遜位前後懇至終不獲許初聘后珧表曰歷觀古今一族二后未嘗以全而受覆宗之禍乞以表事藏之宗廟若如臣之言得以免禍從之右軍督趙休上書陳王莽五公兄弟相代今楊氏三公並在大位而天變屢見臣竊為陛下憂之由此珧益懼固求遜位聽之賜錢百萬絹五千匹珧初以退讓稱晚乃合朋黨搆出

齊王收中護軍羊祜在比軍中侯成粲謀欲因見珧而手刃之珧知而辭疾不出諷有司奏琇轉為太僕

自是舉朝莫敢枝梧而素論盡矣珧臨刑稱冤云事在石函可問張華當時皆謂宜為申理合依鍾繇事例而賈氏族黨待諸楊如讎促行刑者遂斬之時人莫不嗟歎焉

濟字文通歷位鎮南征北將軍遷太子太傅濟有才藝嘗從武帝校獵北芒下與侍中王濟俱著布袴褶騎馬執角弓在輦前猛獸突出帝命王濟射之應弦而倒湏臾復一出濟受詔又射殺之六軍大叫稱快帝重兵官多授貴戚清望濟以武藝號為稱職與兄

玠深慮盛滿乃與諸甥李斌等共切諫駿斥出王佑  
為河南太守建立皇儲皆濟謀也初駿忌大司馬汝  
南王亮催使之藩濟與斌數諫止之駿遂踈濟濟謂  
傳咸曰若家兄徵大司馬入退身避之門戶可得免  
耳不爾行當赤族咸曰但徵還共崇至公便立太平  
無為避也夫人臣不可有專豈獨外戚今宗室踈因  
外戚之親以得安外戚危倚宗室之重以為援所謂  
唇齒相依計之善者濟益懼而問石崇曰人心云何  
崇曰賢兄執政踈外宗室宜與四海共之濟曰見兄  
可及此崇見駿及焉駿不納後與諸兄俱見害難發  
之夕東宮召濟謂裴楷曰吾將何之楷曰子為保  
傳當至東宮濟好施久與兵馬所從四百餘人皆秦  
中壯士射則命中皆欲救濟濟已入宮莫不歎恨  
史臣曰賈充以譴諛陋質刀筆常材幸屬昌辰濫叨  
非據抽戈犯順曾無猜憚之心杖鉞推亡遽有知難  
之請非惟魏朝之悖逆抑亦晉室之罪人者歟然猶  
身極寵光任兼文武存荷台衡之寄沒有從享之榮  
可謂無德而祿歟將及矣逮乎貽厥乃乞丐之徒嗣  
惡稔之餘基縱姦邪之凶德煽茲哲婦索彼惟家雖  
及誅夷曷云塞責昔當塗閹翦公閭實肆其勞典午

分崩南風亦盡其力可謂君以此始必以此終信乎  
其然矣揚駿階緣寵幸遂荷棟梁之任敬之猶恐弗  
逮驕奢淫佚庸可免乎括母以明智全身會昆以先  
言獲宥文瑤識同曩烈而罰異昔人悲夫  
贊曰公間便佞心乖雅正邀遇時來遂階榮命乞丐  
承緒凶家亂政瑣瑣文長遂居棟梁據非其位乃底  
滅亡珧雖先覺亦罹禍殃

列傳第十一

晉書四十一

唐太宗文皇帝

御撰

魏舒

魏舒字陽元任城樊人也少孤為外家寧氏所養寧  
氏起宅相宅者云當出貴甥外祖母以魏氏甥小而  
慧意謂應之舒曰當為外祖或此宅相久乃別居身  
長八尺二寸姿容秀偉然酒石餘而遲鈍質朴不為  
卿親所重從叔父吏部郎衡有名當世亦不之知使  
守水碓每嘆曰舒堪數百戶長我願畢矣舒亦不以  
介意不脩常人之節不為紋屨之事每欲容才長物

三六六

晉書四十一

終不顯人之短。性好騎射，著書衣入山澤，以漁獵為事。唯太原王入，謂舒曰：「卿終當為台輔，然今未能令妻子免飢寒，吾當助卿營之。」嘗振其匱乏，舒受而不辭。舒嘗詣野王主人，妻夜產，俄而聞車馬之聲，相問曰：「男也，女也？」曰：「男。」書之十五，以兵死。復問寢者為誰，曰：「魏公舒。」後十五載，詣主人問所生兒何在，曰：「因條桑為斧傷而死。」舒自知當為公矣。年四十餘，郡上計掾察孝廉，宗黨以舒無學業，勸令不就可以為高耳。舒曰：「若試而不中，其負在我，安可虛竊不就之高，以為己榮乎？於是自課百日，習一經，因而對策，升第。除涇池長，遷浚儀令，入為尚書郎。時欲沙汰郎官，其其才者罷之。舒曰：「吾即其人也。」襆被而出，同寮素無清論者，咸有愧色。談者稱之。累遷後將軍、鎮南長史。毓每與參佐射，舒常為畫籌而已。後遇朋人，不足以舒滿數。毓初不知其善射，舒容範閑雅，發無不中。舉坐愕然，莫有敵者。毓謝而嘆曰：「吾之不足以盡卿才，有如此射矣。」豈一事哉？轉相國參軍，封劇陽子。府朝碎務未嘗見是非，至於廢興大事，眾人莫能斷者，舒徐為籌之，多出眾議之表。文帝深器重之，每朝會坐罷，目送之，曰：「魏舒堂堂人之領袖也。」遷宜陽、滎陽二郡。

太守甚有聲稱徵拜散騎常侍出為冀州刺史在州  
三年以簡惠稱入為侍中武帝以舒清素特賜絹百  
匹遷尚書以公事當免官詔以贖論舒三娶妻皆亡  
是歲自表乞假還本部妻詔賜墓地一頃錢五十  
萬太康初拜右僕射舒與衛瓘山濤張華等以六合  
混一宜用古典封禪東嶽前後累陳其事帝謙讓不  
許以舒為左僕射領吏部上言今選六官娉以玉帛  
而舊使御府丞奉娉宣成嘉禮贄重使輕以為拜三  
夫人宜使卿九嬪使五官中郎將美人良人使謁者  
夫儀同三司及山濤薨以舒領司徒有頃即具舒在  
威重德望祿賜散之九族家無餘財陳留周襄累為  
諸府所辟辟書既下公輒喪亡僉號震為殺公掾莫  
有辟者舒乃命之而竟無患識者以此稱其達命以  
年老每稱疾遜位中復暫起署兗州中正尋又稱疾  
尚書左丞卻詵與舒書曰公久疾小差視事是也唯  
上所念何意起詵還卧曲身迴法甚失具瞻之望公  
少立巍巍一旦棄之可不惜哉舒稱疾如初後以災  
異遜位帝不聽後因正旦朝罷還第表送章綬帝手  
詔敦勉而舒薨意滿固乃下詔曰司徒劇陽子舒體



道弘粹思量經遠忠肅居正在公盡規入管銓衡官  
人允叙出贊衮職敷弘五教惠訓播流德聲茂著可  
謂朝之俊又者也而屢執沖讓辭言懇誠申覽反覆  
省用海然蓋成人之美先典所與難違至情今聽其  
所執以劇陽子就第位同三司祿賜如前几杖不朝  
賜錢百萬牀帳簾褥自副以舍人四人為劇陽子舍  
人置官騎十人使光祿勳奉策主者詳案典禮令皆  
如舊制於是賜安車駟馬門施行馬舒為事必先行  
而後言遜位之際莫有知者時論以為晉興以來三  
公能辭榮祿終者未之有也司空薛稷與舒書曰每  
與足下共論此事曰未果可謂瞻之在前忽焉在  
後矣太熙元年薨時年八十二帝甚傷悼賜賻優厚  
謚曰康子混字延廣清惠有才行為太子舍人年二  
十七先舒卒朝野咸為舒悲惜舒每哀慟退而歎曰  
吾不及莊生遠矣豈以無益自損乎於是終服不復  
哭詔曰舒唯一子薄命短折舒告老之年處窮獨之  
苦每念怛然為之嗟悼思所以散愁養氣可更增滋  
味品物仍給賜陽燧四望總志戶阜輪車牛一乘廢  
出入觀望或足散憂也以庶孫融嗣又早卒從孫晃

嗣

李憲

李憲字季和，上黨銅鞮人也。父佗，漢大鴻臚。憲少有高行，博學研精，與北海管寧以賢良徵，不行。累辟三府不就。宣帝復辟，憲為太傅屬，固辭疾。郡縣扶輿上道，時憲母疾篤，乃竊踰汝水城而徙還。遂遭母喪，論者嘉其志節。後為并州別駕，時驍騎將軍秦朗過并州，州將畢軌敬焉。令乘車至閣，憲固諫，以為不可。軌不得已從之。景帝輔政，命憲為大將軍從事中郎。憲到，引見，謂憲曰：「昔先公辟君，而君不應，今孤命君而君至，何也？」對曰：「先君以禮見待，憲得以禮進退，明公以法見繩，憲畏法而至。」帝甚重之。轉司馬，尋拜右長史。從討毋丘儉，還遷御史中丞。當官正色，不憚強禦。百僚震肅焉。薦樂安孫璣，亦以道德顯。時人稱為知人。尋遷大司馬。以公事免。司馬，由為寧北將軍，鎮鄴。以憲為軍司，頃之，除涼州刺史，加揚威將軍，假節，領護羌校尉，綏御華夷，甚有聲績。羌虜犯塞，憲因其隙會不及，啓聞，輒以便宜出軍，深入，遂大剋獲，以功重免。譴時人比之漢朝馮甘焉。於是請還許之。居家月餘，拜冀州刺史。累遷司隸校尉。及魏帝告禪于晉，憲以本官行司徒事。副太尉鄭沖奉策，泰始初封初侯。

熹上言故立進令劉友前尚書山濤中山王睦故尚  
書僕射武陔各占官三更稻田請免濤睦等官陔已  
亡請貶謚詔曰法者天下取正不避親貴然後行耳  
吾豈將枉縱其間哉然案此事皆是友所作侵剝百  
姓以繆惑朝士姦吏乃敢作此其考竟友以懲邪佞  
濤等不貳其過者皆勿有所問易稱王臣蹇蹇匪躬  
之故今熹亢志在公當官而行可謂邦之司直者矣  
光武有云貴戚且斂手以避二鮑豈其然乎其申勅  
群寮各慎所司寬宥之恩不可數遇也熹為二代司

綽朝野稱之以公事免其官皇太子立以熹為太子  
大傳自魏明帝以後久曠東宮制度廢闕官司不具

詹事左右率庶子中舍人諸官並未置唯置衛率令  
典兵二傳并攝衆事熹在位累年訓道盡規遷尚書  
僕射拜特進光祿大夫以年老遜位詔曰光祿大夫  
特進李熹杖德居義當升台司毗亮朕躬而以年尊  
致仕雖優游無為可以頤神而肅心之望能不憮然  
其因光祿之號改假金紫置官騎十人賜錢五十萬  
祿賜班禮一如三司門施行馬如熹為僕射時涼州  
虜寇邊熹唱義遣軍討之朝士相謂出兵不易虜未足  
為患竟不從之後虜果大縱逸涼州覆沒朝廷深悔

焉以熹清素貧儉賜絹百匹及營王散出鎮熹上疏  
諫爭辭甚懷切熹自歷仕雖清非異衆而家無儲積  
親舊故人乃至分衣共食未嘗私以王官及卒追贈  
太保謚曰成子贊嗣少子儉字仲約歷左積弩將軍  
屯騎校尉儉子弘字世彥少有清節永嘉末歷給事  
黃門侍郎散騎常侍

### 劉寔

劉寔字子真平原高唐人也漢濟北惠王壽之後也  
父廣斥丘令寔少貧苦賣牛衣以自給然好學手約

編口誦書博通古今清身潔已行無瑕玷郡察孝廉  
州舉秀才皆不行以計吏入洛調爲河南尹丞遷尚

書即廷尉正後歷吏部郎參文帝相國軍事封循陽  
子鍾會鄧艾之伐蜀也有客問寔曰二將其平蜀乎  
寔曰破蜀必矣而皆不還客問其故笑而不荅竟如  
其言寔之先見皆此類也以世多進趣廉遜道闕乃  
著崇讓論以矯之其辭曰古之聖王之化天下所以  
貴讓者欲以出賢才息爭競也夫人情莫不欲己之  
賢也故勸令讓賢以自明賢也豈假讓不賢哉故讓  
道興賢能之人不求而自出矣至公之舉自立矣百  
官之副亦豫具矣一官缺擇衆官所讓最多者而用

之審之道也。在朝之士相讓於上，草廬之人咸皆化之。推賢讓能之風從此生矣。為一國所讓則一國士也。天下所共推則天下士也。推讓之風行則賢與不肖灼然殊矣。此道之行在上者無所用其心，因成清議隨之而已。故曰蕩蕩乎堯之為君，莫之能名。言天下自安矣。不見堯所以化之，故不能名也。又曰舜禹之有天下而不與焉，無為而化者其舜也。歟。賢人相讓於朝，大才之人恒在大官，小人不爭於野。天下無事矣。以賢才化無事至道興矣。已仰其成，復何與焉。故可以吹南風之詩，彈五絃之琴也。成此功者非自他崇讓之所致耳。孔子曰：能以禮讓為國則不難也。

在朝之人不務相讓久矣。天下化之自魏代以來。登進辟命之士及在職之吏，臨見受叙雖自辭不能終莫肯讓有勝己者。夫推讓之風息，爭競之心生。孔子曰：上與讓則下不爭，明讓不興，下必爭也。推讓之道興則賢能之人日見推舉，爭競之心生則賢能之人日見謗毀。夫爭者之欲自先甚惡能者之先不能無毀也。故孔墨不能免世之謗，已況不及孔墨者乎。議者僉然言世少高名之才，朝廷不有大才之人，可以為大官者。山澤人小官吏亦復云朝廷之士雖有大

官名德皆不及往時人也。余以為此二者皆失之矣。非時獨乏賢也。時不貴讓一人有先衆之譽，毀必隨之名，不得成使之然也。雖令稷契復存，亦不復全其名矣。能否混雜，優劣不分，士無素定之價，官職有缺，主選之吏不知所用，但案官次而舉之，同才之人先用者，非勢家之子，則必為有勢者之所念也。非能獨賢，因其先用之資，而復遷之無已，遷之無已，不勝其任之病發矣。觀在官之人，政績無聞，自非勢家之子，率多因資次而進也。向令天下貴讓士，必由於見讓而後名成名成，而官乃得用之。諸名行不立之人，在官無政績之稱，讓之者必矣。官無因得而用之也。所以見用不息者，由讓道廢，因資用人之有失久矣。故自漢魏以來，時開大舉，令衆官各舉所知，唯才所任，不限階次。如此者，甚數矣。其所舉必有當者，不聞時有擢用不知何誰最賢故也。所舉必有不當而罪不加，不知何誰最不肖也。所以不可得知由當時之人，莫肯相推賢，愚之名不別。今其如此舉者，知在上者察不能審，故敢漫舉而進之。或舉所賢，因及所念，一頓而至，人數猥多，各言所舉者賢，加之高狀，相似如一，難得而分矣。參錯相亂，真偽同貫，更復由此而甚。

雖舉者不能盡忠之罪亦由上開聽察之路濫令其  
 爾也昔齊王好聽竽聲必令三百人合吹而後聽之  
 廩以數人之俸南郭先生不知吹竽者也以三百人  
 合吹可以容其不知因請為王吹竽虛食數人之俸  
 嗣王覺而改之難彰先王之過乃下令曰吾之好聞  
 竽聲有甚於先王欲一一列而聽之先生於此逃矣  
 推賢之風不立濫舉之法不改則南郭先生之徒盈  
 於朝矣才高守道之士日退馳走有勢之門日多矣  
 雖國有典刑弗能禁矣夫讓道不與之弊非徒賢人  
 受罪退矣何以知其然也孔子以為顏氏之子不貳  
 過耳明非聖人皆有過寵貴之地欲之者多矣惡賢  
 能者塞其路其過而毀之者亦多矣夫謗毀之生非  
 徒空設必因人之微過而甚之者也毀謗之言數聞  
 在上者雖欲弗納不能不仗所聞因事之來而微察  
 之也無以其驗至矣得其驗安得不理其罪若知而  
 縱之王之威日衰令之不行自此始矣知之皆理之  
 受罪退者稍多大臣有不自固之心夫賢才不進貴  
 臣日疎此有國者之深憂也詩曰受祿不讓至于己  
 斯亡不讓之人憂亡不暇而望其益國朝不亦難乎

竊以為改此俗甚易耳何以知之夫一時在官之人雖雜有凡猥之才其中賢明者亦多矣豈可謂皆不知讓賢為貴邪直以其時皆不讓習以成俗故遂不為耳人臣初除皆通表上聞名之謝章所由來尚矣原謝章之本意欲進賢能以謝國恩也昔舜以禹為司空禹拜稽首讓于稷契及咎繇使益為虞官讓于朱虎熊羆使伯夷典三禮讓于夔龍唐虞之時衆官初除莫不皆讓也謝章之義蓋取於此書記之者欲以求世作則季世所用不賢不能讓賢虛謝見用之恩而已相承不變習俗之失也夫叙用之官得通章

表者其讓賢推能乃通其不能有所讓徒費簡紙者皆絕不通人臣初除各思推賢能而讓之矣讓之文付主者掌之三司有缺擇三司所讓最多者而用之此為一公缺三公已豫選之矣且主選之吏不必任公而選三公不如令三公自共選一公為詳也四征缺擇四征所讓最多者而用之此為一征缺四征豫選之矣必詳於停缺而令主者選四征也尚書缺擇尚書所讓最多者而用之此為八尚書共選一尚書詳於臨缺令主者選八尚書也郡守缺擇衆郡所讓最多者而用之詳於主者令選百郡守也夫以衆



官百郡之讓與主者立相比不可同歲而論也雖復  
令三府參舉官本不系以舉選之任各不能以根其  
心也其所用心者裁之不二三但令主者案官次而  
舉之不用精也賢愚比讓百姓耳目蓋為國耳目夫  
人情爭則欲毀己所不知讓則競推於勝己故世爭  
則毀譽交錯優劣不公難得而讓也時讓則賢智顯  
出能否之美歷歷相次不可得而亂也當此時也能  
退身脩己者讓之者多至人雖欲守貧賤不可得也馳  
騫進趣而欲人見讓相却行而求前也夫如此愚智  
或知進身求通非脩己於己則無由矣將外求者於  
此相隨而歸矣浮聲虛說不禁而自息矣人人無所  
用其心任衆人之議而天下自化矣不言之化行魏  
魏之美於此著矣讓可以致此豈可不務之哉春秋  
傳曰范宣子之讓其下皆讓藥屢雖汰弗敢違也晉  
國以平數世賴之上世之化也君子尚能而讓其下  
小人力農以事其上上下下有禮讒慝遠黜由不爭也  
及其亂也國家之弊恒由之篤論了了如此在朝  
君子典選大官能不以人廢言舉而行之各以讓賢  
舉能為先務則群才俱出能否殊別蓋世之功莫大  
於此秦始初進爵為伯累遷少府咸寧中為太常轉

尚書杜預之伐吳也宜入以本官行鎮南軍司初寔妻  
盧氏生子躋而卒華氏將以女妻之寔弟智諫曰華  
家類貪必破門戶辭之不得竟婚華氏而生子夏寔  
竟坐夏受賂免官頃之爲大司農又以夏罪免寔每  
還州里鄉人載酒肉以候之寔難逆其意輒共啖而  
返其餘或謂寔曰君行高一世而諸子不能導何不  
旦夕切磋使知過而自改邪寔曰吾之所行是所聞  
見不相祖習豈復教誨之所得乎世以寔言爲當後  
起爲國子祭酒散騎常侍愍懷太子初封廣陵王高  
祖以寔爲鄉元康初進爵爲侯累遷太子太保  
督九年策拜司空遷太保轉太傅太安初寔以老病  
遜位賜安車駟馬錢百萬以侯就第及長沙成都之  
相攻也寔爲軍人所掠潛歸鄉里惠帝崩寔赴山陵  
懷帝即位復授太尉寔自陳年老固辭不許左丞劉  
坦上言曰夫堂高級遠主尊相貴是以古之哲王莫  
不師其元臣崇養老之教訓示四海使少長有禮七  
十致仕亦所以優異舊德厲廉高之風太尉寔體清  
素之操執不渝之潔懸車告老二十餘年浩然之志  
老而弥篤可謂國之碩老邾之宗模巨聞老者不以

筋力為禮寔年踰九十命在日制遂自扶輿冒險而  
至展哀山陵致敬闕庭大臣之節備矣聖詔殷勤必  
使寔正位上台光飪鼎寶斷章敦喻經涉二年而寔  
頻上露布辭言懇誠臣以為古之養老以不事為優  
不以吏之為重謂宜聽寔所守三年詔曰昔虞任五  
臣致垂拱之化漢相蕭何興寧一之譽故能光隆於  
當時垂裕于百代朕經天明命臨御萬邦所以崇顯  
政道者亦賴之於元臣庶尹畢力股肱以副至望而  
君年耆告老確然難違今聽君以侯就第位居三司  
之上秩祿準舊賜几杖不朝凡宅一區國之大政將  
就諸子君副朕意焉時年九十一謚曰元寔  
少貧窶杖策徒行每所憇止不累主人薪水之事皆  
自營給及位望通顯每崇儉素不尚華麗嘗詣石崇  
家如廁見有絳紋帳襜褕甚麗兩婢持香囊寔便退  
笑謂崇曰誤入卿內崇曰是廁耳寔曰貧士未嘗得  
此乃更如他廁雖處然寔居無第宅所得俸祿贍卹  
親故雖禮教陵遲而行己以正發妻為廬杖之制終  
喪不御內輕薄者笑之寔不以介意自少及老篤學  
不倦雖居職務卷弗離手尤精三傳辨正公羊以為  
衛輒不應辭以王父命祭仲失為臣之節舉此二端

三ノウキ  
以明臣子之體遂行於世又撰春秋條例二十卷有  
二子躋夏躋字景雲官至散騎常侍夏以貪污棄放  
於世

弟智字子房貞素有口風少貧窶每負薪自給讀誦  
不輟竟以儒行稱歷中書黃門吏部郎出為潁川太  
守平原管輅嘗謂人曰吾與劉潁川兄弟語使人神  
思清發昏不假寐自此之外殆白日欲寢矣入為秘  
書監領南陽王師加散騎常侍遷侍中尚書太常著  
喪服釋疑論多所辨明太康末卒謚曰成

高光

家業明練刑理初以太子舍人累遷尚書郎出為幽  
州刺史潁川太守是時武帝置長沙獄以典詔囚以  
光歷世明法用為長沙御史秩與中丞同遷廷尉元  
康中拜尚書典三公曹時趙王倫篡逆光於其際守  
道貞全及倫賜死齊王囿輔政復以光為廷尉遷尚  
書加奉車都尉後從駕討成都王穎有勳封延陵縣  
公邑千八百戶于時朝廷咸推光明於用法故頻典  
理官惠帝為張方所逼幸長安朝臣奔散莫有從者  
光獨侍帝而西遷尚書左僕射加散騎常侍光兄誕

爲上官已等所用。歷徐雍二州刺史。誕性任放無倫。次而決烈過人。與光異操。常謂光小節恒輕侮之。光事誕愈謹。帝既還洛陽。時太弟新立。重選傅訓。以光爲少傅。加光祿大夫常侍如故。及懷帝即位。加光祿大夫。金章紫綬。與傅祗並見推崇。尋爲尚書令。本官如故。以疾卒。贈司空侍中。屬京洛傾覆。竟未加謚。子韜字子遠。放佚無檢。光爲廷尉。時韜受貨賕。有司奏案之。而光不知。時人雖非光不能防閑其子。以其用心有素。不以爲累。初光詣長安。留臺以韜兼右衛將軍。韜與殿省小人交通。及光平。仍於喪中往來不絕。時東海王起輔政。不朝韜韜知人心有望。密與太傅

參軍姜頤京兆杜概等謀討越事。泄伏誅。

史臣曰。下士競而文中庸。靜而質。不若進不足而退有餘也。魏舒劉寔發慮精華。結綬登槐。覽止成務。季和切問。近對當官正色。詩云。今貝人敗類。豈劉夏之謂歟。

贊曰。舒言不矜。寔對千乘。子真宣茂。雅志難陵。進忠能舉。退讓攸興。皎皎瑚器。來光玉繩。

王渾字玄冲

太原晉陽人也

御撰

王渾子濟

王渾字玄冲太原晉陽人也父昶魏司空渾沉雅有  
 器量襲父爵京陵侯辟大將軍曹爽掾爽誅隨例免  
 起為懷令參文帝安東軍事累遷散騎黃門侍郎散  
 騎常侍咸熙中為越騎校尉武帝受禪加揚烈將軍  
 遷徐州刺史時年荒歲饑渾開倉振贍百姓賴之泰  
 始初增封邑千八百二久之遷東中郎將督淮北諸  
 軍事鎮許昌數陳首益多見納用轉征虜將軍監豫

晉書四十二

州諸軍事假節領豫州刺史。渾與吳接境，宣布威信，前後降附甚多。吳將薛瑩、魯淑衆十萬，淑向弋陽，瑩向新息。時州兵並放休息，衆裁一旅。浮淮潛濟，出其不意。瑩等不虞晉師之至，渾擊破之，以功封次子尚。爲關內侯，遷安東將軍、都督揚州諸軍事、鎮壽春。吳人大佃皖城，圖爲邊害。渾遣揚州刺史應綽督淮南諸軍攻破之，并破諸別屯，焚其積穀百八十餘萬斛，稻苗四千餘頃，船六百餘艘。渾遂陳兵東疆，視其地形險易，歷觀敵城，察攻取之勢。及大舉伐吳，渾率師出黃江，遣參軍陳眞、都尉張嶠、校尉孫瑒、人又遣吳護軍李純據高望城，討吳將俞恭，破之多所斬獲。吳厲武將軍陳代、平虜將軍朱明懼而來降。吳丞相張悌、大將軍孫震等率衆數萬，指城陽。渾遣司馬孫疇、揚州刺史周浚擊破之，臨陣斬二將及首虜七千八百級。吳人大震。孫皓司徒何植、建威將軍孫晏、送印節詣渾降。既而王濬破石頭，降孫皓，威名益振。明日，渾始濟江，登建鄴宮，擺酒高會，自以先據江上，破皓中軍，案甲不進，致在王濬之後，意甚愧恨，有不平之色。頻奏濬罪狀，時人譏之。帝下詔曰：「使持節都督

揚州諸軍事安東將軍京陵侯王渾督率所統遂逼  
秣陵令賊孫皓救死自衛不得分兵上赴以成西軍  
之功又摧大敵獲張悌使皓塗窮勢盡面縛乞降遂  
平定秣陵功勳茂著其增封八千戶進爵為公封子  
澄為亭侯弟湛為關內侯賜絹八千匹轉征東大將  
軍復鎮壽陽渾不尚刑名處斷明允時吳人新附頗  
懷畏懼渾撫循羈旅虛懷綏納座無空席門不停賓  
於是江東之士莫不悅附徵拜尚書左僕射加散騎  
常侍會朝臣立議齊王攸當之藩渾上書諫曰伏承  
聖詔憲章古典進齊王攸為上公崇其禮義遣攸之  
國昔周氏建國大封諸姬以藩王室未也作實至於  
公曰武王之弟左右王事輔濟大業不使歸藩明至  
親義著不可遠朝故也是故周公得以聖德光弼幼  
主忠誠著於金縢光述文武仁聖之德攸於大晉姬  
旦之親也宜替皇朝與聞政事實為陛下腹心不貳  
之臣且攸為人脩絜義信加以懿親志存忠貞今陛  
下出攸之國假以都督虛號而無典戎幹方之實去  
離天朝不預王政傷母弟至親之體屬友于欺篤之  
義懼非陛下追述先帝文明太后待攸之宿意也若  
以攸望重於事宜出者今以汝南王亮代攸亮宣皇



帝子文皇帝弟伯駿各處方任有內外之資論以後  
慮亦不為輕攸今之國適足長異同之論以損仁慈  
之美耳而今天下窺陛下有不崇親親之情臣竊為  
陛下不取也若以妃后外親任以朝政則有王氏傾  
漢之權呂產專朝之禍若以同姓至親則有吳楚七  
國逆亂之殃歷觀古今苟事輕重所在無不為害也  
不可事事曲設疑防慮方來之患者也唯當任正道  
而求忠良若以智計猜物雖親見疑至於疏遠者亦  
何能自保乎人懷危懼非為安之理此最有國有家  
者之深忌也愚以為太子太保缺宜留收居之與大

原汝南王亮衛將軍楊琰共為保傅幹理朝事三人

齊位足相持正進有輔納廣義之益退無偏重相傾  
之勢令陛下有篤親親之恩使攸蒙仁覆之惠臣同  
國休戚義在盡言心之所見不能默已私慕魯女存  
國之志敢陳愚見觸犯天威欲陛下事每盡善異萬  
分之助臣而不言誰當言者帝不納太熙初遷司徒  
惠帝即位加侍中又京陵置士官如雒陵比及誅楊  
駿崇重舊臣乃加渾兵運以司徒文官主史不持兵  
持兵乃吏屬終不自以偶因時寵權得持兵非是舊  
典皆令卑服論者美其諫而識體楚王瑋將言汝南

王亮等也。公孫宏說瑋曰：昔宣帝廢重，奕引太尉，將  
 濟參乘以增威重。大王今舉非常事，宜得宿望鎮厭  
 衆心。司徒王渾宿有威名，為三軍所信服，可請同乘。  
 使物情可憑也。瑋從之。渾辭疾歸第，以家兵千餘人  
 閉門距瑋。瑋不敢逼，俄而瑋以矯詔伏誅。渾乃率兵  
 赴宮。帝嘗訪渾元會問郡國計吏方俗之宜。渾奏曰：  
 陛下欽明聖哲，光于遠近，明詔沖虛，詢及芻蕘。斯乃  
 周文疇咨之求，仲尼不恥下問也。舊三朝元會前計  
 吏詣軒下，侍中讀詔，計吏跪受。臣以詔文相承已久，  
 無也。新聲非異，同賢心，妨國之風，從也。尚農桑，本務，刑  
 明詔問方土異，同賢心，妨國之風，從也。尚農桑，本務，刑  
 獄得無冤濫，守長得無侵虐。其勤心政化，興利除害  
 者，授以紙筆，盡意陳聞，以明聖指，垂心四遠，不復因  
 循常辭。且察其荅對文義，以觀計吏人才之實。又先  
 帝時正會後，東堂見征鎮長史司馬諸王國卿諸州  
 別駕，今若不能別見，可前詣軒下，使侍中宣問，以審  
 察方國於事為便。帝然之。又詔渾錄尚書事。渾所歷  
 之職，煎後著稱。及居台輔，聲望日減。元康七年，薨。時  
 年七十五。謚曰元長子尚早亡，次子濟嗣。  
 濟字武子，少有逸才，風姿爽氣，蓋一時。好弓馬，勇

力絕人善易及莊老文詞秀茂伎藝過人有名當世  
與姊夫和嶠及裴楷齊名尚常山公主年二十起家  
拜中書郎以母憂去官起為驍騎將軍累遷侍中與  
侍中孔恂王恂楊濟同列為一時秀彥武帝常會公  
卿藩牧於式乾殿顧濟恂而謂諸公曰朕左右可謂  
恂恂濟濟矣每侍見未嘗不諮論人物及萬機得失  
濟善於清言脩飾辭令諷議將順朝臣莫能尚焉帝  
益親貴之仕進雖速論者不以主婚之故咸謂才能  
致之然外雖弘雅而內多忌刻好以言傷物濟類以  
此少之以其父之故每排王濟時議幾焉齊王攸嘗  
入稽顙泣請帝留攸帝怒謂侍中王戎曰兄弟至親  
今出齊王自是朕家事而甄德王濟連遣婦來生哭  
人以忤旨左遷國子祭酒常侍如故數年入為侍中  
時渾為僕射主者處事或不當濟性峻厲明法繩之  
素與從兄佑不平佑黨頗謂濟不能顧其父由是長  
同異之言出為河南尹未拜坐鞭王官吏免官而王  
佑始見委任而濟遂被斥外於是乃移第北芒山下  
性豪侈麗服玉食時洛京地甚貴濟買地為馬埒編  
錢滿之時人謂為金溝王愷以帝舅奢豪有牛名八

晉書卷一百一十五

六

百里駁常營其蹄角濟請以錢千萬與牛對射而賭  
之愷亦自恃其能令濟先射一發破的因據胡床叱  
左右遠探牛心來須臾而至一割便去和嶠性至儉  
家有好李帝求之不過數十濟候其上直率少年詣  
園共啖畢伐樹而去帝嘗幸其宅供饌甚豐悉貯琉  
璃器中蒸脆其美帝問其故荅曰以人乳蒸之帝色  
甚不平食未畢而去濟善解馬性嘗乘一馬著連乾  
鞞泥前有水終不肯渡濟云此必是惜鞞泥使人解  
去便渡故杜預謂濟有馬癖帝嘗謂和嶠曰我將罵

濟而後官爵之可知喬曰濟俊爽恐不可屈帝因召  
濟切讓之既而曰知愧不濟者曰尺布寸粟之謂常

為陛下恥之他人能令親疎臣不能使親親以此愧  
陛下耳帝默然帝嘗與濟奕棊而孫皓在側謂皓曰  
何以好剥人面皮皓曰見無禮於君者則剥之濟時  
伸脚局下而皓譏焉尋使白衣服領太僕年四十六先  
渾卒退贈驃騎將軍及其將葬時賢無不畢至孫楚  
雅敬濟而後來哭之甚悲有客莫不垂涕哭畢向靈  
牀曰卿常好我作驢鳴我為卿作之體似聲真客皆  
笑楚顧曰諸君不死而令王濟死乎初濟尚主主兩  
目失明而妬忌尤甚然終無子有庶子二人卓字文

宣嗣渾爵拜給事中次聿字茂言襲公主封敏陽侯  
濟二弟澄字道深汶字茂深皆辨慧有才藻並歷清  
顯

王濬

王濬字士治弘農湖人也家世二千石濬博涉墳典  
美姿貌不脩名行不為鄉曲所稱晚乃變節踈通亮  
達恢廓有大志嘗起宅開門前路廣數十步人或謂  
之何太過濬曰吾欲使容長戟幡旗衆咸笑之濬曰  
陳勝有言燕雀安知鴻鵠之志州郡辟河東從事守

女有不堪者皆望風自引而去刺史燕國徐覽有

指濬告母貌遂妻之後叅征南軍事羊祜深知待之  
祜兄子暨白祜濬為人志大奢侈不節不可專任宜  
有以裁之祜曰濬有大才將欲濟其所欲必可用也  
轉車騎從事中郎識者謂祜可謂能舉善焉除巴郡  
太守郡邊吳境兵士苦役生男多不養濬乃嚴其科  
條寬其徭課其產育者皆與休復所全活者數千人  
轉廣漢太守垂惠布政百姓賴之濬夜夢懸三刀於  
卧屋梁上頃吏又益一刀濬驚覺三刀惡之主簿李  
毅再拜賀曰三刀為州字又益一明府其臨益州

乎及賊張弘殺益州刺史皇甫晏遷濬為益州刺  
史濬設方略悉誅弘等以勲封國內侯懷輯殊俗待  
以威信蠻夷徼外多來歸降徵拜左衛將軍除大司  
農車騎將軍羊祜雅知濬有奇略乃密表留濬於是  
重拜益州刺史武帝謀伐吳詔濬脩舟艦濬乃作大  
船連舫方百二十步受二千餘人以木為城起樓櫓  
開四出門其上皆得馳馬來往又畫鷁首怪獸於船  
首以懼江神舟楫之盛自古未有濬造船於蜀其木  
柳蔽江而下吳建平太守吳彥取流楫以呈孫皓曰  
昔必有奇異以證計拜濬為龍驤將軍監益梁諸軍事  
語在羊祜傳時朝議咸諫伐吳濬乃上疏曰臣數叅  
訪吳楚同異孫皓荒淫凶逆荆揚賢愚莫不嗟怨且  
觀時運宜速征伐若今不伐天變難預令皓卒死更  
立賢主文武各得其所則強敵也臣作船七年日有  
朽敗又臣年已七十死亡無日三者一乖則難圖也  
誠願陛下無失事機帝深納焉賈充荀勗陳諫以為  
不可唯張華固諫又杜預表諸帝乃發詔分命諸方  
節度濬於是統兵先在巴郡之所全育者皆堪徭役  
供軍其父母戒之曰王府君注爾爾必勉之無愛死

也。太康元年正月，濬發自成都，率巴東監軍、廣武將軍唐彬攻吳丹楊剋之，擒其丹楊監盛紀，吳人於江險磧要害之處，並以鐵鑊橫截之。又作鐵錐，長丈餘，暗置江中，以逆距船。先是，羊祜獲吳間諜，具知情狀。濬乃作大筏數十，亦方百餘步，縛草為人，被甲持杖，令善水者以筏先行。筏遇鐵錐，錐輒著筏去，又作火炬，長十餘丈，大數十圍，灌以麻油，在船前。遇鑊，然炬燒之，須臾融液斷絕。於是船無所礙。二月庚申，剋吳西陵，獲其鎮南將軍留憲，征南將軍成據，宜都太守虞忠。任或剋荆門，夷道二城，獲監軍陸景。景，乙丑剋樂鄉，獲水軍督陸景，平西將軍施洪等來降。乙亥，詔進

濬為平東將軍，假節都督益梁諸軍事。濬自發蜀兵，不血刃，攻無堅城，夏口武昌無相支抗。於是順流鼓棹，徑造三山，皓遣游擊將軍張象率舟軍萬人禦濬。象軍望旗而降。皓聞濬軍旌旗器甲屬天，滿江威勢甚盛，莫不破膽。用光祿勳薛瑩中書令胡冲計，送降文於濬。曰：吳郡孫皓叩頭死罪。昔漢室失御，九州幅裂，先人因時，略有江南，遂阻山河，與魏乖隔。大晉龍興，德覆四海，隋芳偷安，未喻天命。至于今者，猥煩六軍，衛蓋露次，遠臨江渚，舉國驚惶，假息刻漏，敢緣天

朝舍弘光大謹遣私署太常張雙等奉所佩璽綬委質請命壬寅濬入于石頭皓乃備亡國之禮素車白馬肉袒面縛銜璧牽羊大夫衰服士輿觀率其偽太子瑾瑾弟魯王虔等二十一人造于壘門濬躬解其縛受璧焚櫬送于京師收其圖籍封其府庫軍無私焉帝遣使者犒濬軍初詔書使濬下建平受杜預節度至秣陵受王渾節度預至江陵謂諸將帥曰若濬得下建平則順流長驅威名已著不宜令受制於我若不能剋則無緣得施節度濬至西陵預與之書曰足下既摧其西藩使當徑取秣陵討累世之逋寇釋

吳人於塗炭自江入淮逾于泗汴沂河而上振旅還

都亦曠世一事也濬大悅表呈預書及濬將至秣陵王渾遣信要令暫過論事濬舉帆直指報曰風利不得泊也王渾以破皓中軍斬張悌等頓兵不敢進而濬乘勝納降渾恥而且忿乃表濬違詔不受節度誣罪狀之有司遂按濬檻車徵帝弗許詔讓濬曰伐國事重宜令有一前詔使將軍受安東將軍渾節度渾惡謀深重案甲以待將軍云何徑前不從渾命違制昧利甚失大義將軍功勳簡在朕心當率由詔書崇成王法而於事終恃功肆意朕將何以令天下濬上



書自理曰。臣前被庚戌詔書曰。軍人乘勝猛氣益壯。便當順流長驚。直造秣陵。臣被詔之日。即便東下。又前被詔書云。太尉賈充。總統諸方。自鎮東大將軍。佃及渾濬彬等。皆受充節度。無令臣別受渾節度之文。臣自達巴丘。所向風靡。知孫皓窮蹙。勢無所至。十四日至牛渚。去秣陵二百里。宿設部分。為攻取節度。前至三山。見渾在北岸。遣書與臣。可暫來過。共有所議。亦不語臣當受節度之意。臣水軍風發。乘勢造賊城。加宿設部分。行有次第。無緣得於長流之中。迴船過。并無結戕。具以示渾使。速來當於石頭相待。軍以口中至秣陵。暮乃被渾所下當受節度之符。欲令臣明。十六日。悉將所領還圍石頭。備皓越逸。又索蜀兵及鎮南諸軍人名。定見臣。以為皓已來首都亭。無緣共合空圍。又兵人定見。不可倉卒。皆非當今之急。不可承用。中詔謂臣。忽棄明制。專擅自由。伏讀嚴詔。驚怖悚慄。不知軀命當所投厝。豈惟老臣獨懷戰灼。三軍上下。咸盡喪氣。臣受國恩。任重事大。常恐託付不效。孤負聖朝。故投身死地。轉戰萬里。被蒙寬恕之恩。得從臨履之宜。是以憑賴威靈。幸而能濟。皆是陛下神

策廟筭臣承指授效鷹犬之用耳有何勳勞而恃功肆意寧敢昧利而違聖詔臣以十五日至秣陵而詔書以十二日起洛陽其間懸闊不相赴接則臣之罪責宜蒙察恕假令孫皓猶有螳螂舉斧之勢而臣輕軍單入有所虧喪罪之可也臣所統八萬餘人乘勝席卷皓以衆叛親離無復羽翼匹夫獨立不能庇其妻子雀鼠貪生苟乞一活耳而江北諸軍不知其虛實不早縛取自爲小誤臣至便得更見怨恚並云守賊百日而今他人得之言語嚙噬不可聽聞案春秋之義大夫出疆由有專輒臣雖愚憊以爲事君之道唯當竭節盡忠奮不顧身量力受任臨事制宜苟利社稷死生以之若其顧護嫌疑以避咎責此是人臣不忠之利實非明主社稷之福也臣不自料忘其鄙劣披布丹心輸寫肝腦欲竭股肱之力加之以忠貞庶必掃除兇逆清一宇宙願令聖世與唐虞比隆陛下粗察臣之愚款而識其欲自效之誠是以授臣以方牧之任委臣以征討之事雖燕王之信樂毅漢祖之任蕭何無以加焉受恩深重死且不報而以頑踈舉錯失宜陛下弘恩財加切讓惶怖怔營無地自厝願陛下明臣赤心而已渾又騰周浚書云濬軍得吳

寶物濬復表曰被壬戌詔書下安東將軍所上揚州  
刺史周浚書謂臣諸軍得孫皓寶物又謂牙門村李  
高放火燒皓偽宮輒公文上尚書具列本末又聞渾  
案陷上臣臣受性愚忠行事舉動信心而前期於不  
負神明而已秣陵之事皆如前所表而惡直醜正實  
繁有徒欲構南箕成此貝錦公於聖世反白為黑夫  
佞邪害國自古而然故無極破楚卒誅滅吳及至石  
顯傾亂漢朝皆載在典籍為世所戒昔樂毅伐齊下  
城七十而卒被讒間脫身出奔樂羊既反謗書盈篋  
況臣頑直能免讒慝之口然所望全其首領者實賴  
陛下聖哲欽明使浸潤之譖不得行焉然臣孤根獨  
立朝無黨援久棄遐外人道斷絕而結恨彊宗取怨  
豪族以累卵之身處雷霆之衝蘭木之質當材狼之  
路其見吞噬豈抗唇齒夫犯上千主其罪可救乖忤  
貴臣則禍在不測故失雲折檻即安逆鱗之怒慶忌救  
之成帝不問望之周堪違忤石顯雖闔朝嗟歎而死  
不旋踵此臣之所大怖也今渾之支黨姻族內外皆  
根據磐牙並處世位聞遣人在洛中專共交構盜言  
孔甘或惑觀聽夫曾參之不殺人亦以明矣然三人  
傳之其母投杼今臣之信行未若曾參之著而讒構

沸騰非徒三夫之對外內扇助為二五之應夫猛獸  
 當途麒麟恐懼况臣脆弱敢不悚慄偽吳君臣今皆  
 生在便可驗問以明虛實前為中郎將孔攄說去二  
 月武昌失守水軍行至皓案行石頭還左右人皆跳  
 刀大呼云要當為陛下死戰決之皓意大喜謂必  
 能然便盡出金寶以賜與之小人無狀得便持走皓  
 懼乃圖降首降使適去左右劫奪財物略取妻妾放  
 火燒宮皓逃身竄首恐不脫死臣至遣參軍主者救  
 斷其火耳周浚以十六日前入皓宮臣時遣記室吏  
 往觀書籍浚使收縛若有遺寶則浚前得不應移蹤  
 人欲求苟免臣前在三山得浚書云皓散寶貨

以賜將士府庫哈虛而今復言金銀篋笥動有萬計  
 疑臣軍得之言語反覆無復本末臣復與軍司張牧  
 汝南相馮統等共入觀皓宮乃無席可坐後日又與  
 牧等共視皓舟船渾又先臣一日上其船船上之物  
 皆渾所知見臣之案行皆出其後若有寶貨渾應得  
 之又臣將軍素嚴兵人不得妄離部陣間在抹陵諸  
 軍凡二十萬眾臣軍先至為土地之主百姓之心皆  
 歸仰臣臣切勅所領秋毫不犯諸有市易皆有伍任  
 證左明從券契有違犯者凡斬十三人皆吳人所知

也。餘軍縱橫詐稱臣軍，而臣軍類皆蜀人，幸以此自別耳。豈獨浚之將士皆夷齊，而臣諸軍悉聚盜跖邪？時有八百餘人緣石頭城，劫取布帛。臣衙門將軍馬潛即收得二十餘人，并誘其督將姓名，移以付浚，使得自科結，而寂無反報。然皆縱遣，絕其端緒也。又聞吳人言前張悌戰時所殺財有二千人，而渾浚露布言以萬計。以吳剛子為主簿，而遣剛至洛，欲令剛增斬級之數，可具問孫皓。及其諸臣，則知其定審。若信如所聞，浚等虛詐尚欺陛下，豈惜在臣云。臣也聚蜀人不時送皓，欲有反狀。又恐動吳人言，臣皆當誅殺。取其妻子，異其作亂，得騁私忿，謀反大逆，尚以見加。其餘謗嗜，故其宜耳。渾案臣瓶磬小器，蒙國厚恩，頻繁擢叙，遂過其任。渾此言最信，內省慙懼。今年平吳，誠為大慶於臣之身，更受咎累，既無孟側策馬之好，而今濟濟之朝，有讒邪之人，虧穆穆之風，損皇代之美。由臣頑踈，使致於此。拜表流汗，言不識次。濟至京，都有司奏濟表，既不列前後，所被七詔月日。又赦後，違詔不受渾節度，大不敬。付廷尉科罪。詔曰：濟前受詔徑造秣陵，後乃下受渾節度。詔書稽留，所下不至，便令與不受詔同責。未為經通。濟不即表上，被渾宣

三十一

二

謝子

詔此可責也。濬有征伐之勞，不足以一音掩之。有司又奏濬赦後燒賊船百三十五艘，輒勅付廷尉。蔡推詔曰：勿推拜濬輔國大將軍，領步兵校尉，舊校唯五。置此營自濬始也。有司又奏輔國依比未為達官，不置司馬，不給官騎。詔依征鎮給五百大車，增兵五百人，為輔國營，給親騎百人，官騎十人。置司馬，封為襄陽縣侯，邑萬戶。封子彝揚鄉亭侯，邑千五百戶。賜絹萬匹，又賜衣一襲，錢三十萬，及食物。濬自以功大而為渾父子及豪強所抑，屢為有司所奏。每進見陳其攻伐之勞，及見枉之狀，或不勝忿憤，徑出不辭。帝每

容恕之。益州護軍范通濬之外親也。謂濬曰：卿功則

美矣，然恨所以居美者，不盡善也。濬曰：何謂也？通曰：

卿旋旆之日，角巾私第，口不言平吳之事。若有問者，

輒曰：聖主之德，羣帥之力，老夫何力之有焉！如斯顏

老之不伐，龔遂之雅對，將何以過之！藺生所以屈廉

頗，王渾能無愧乎？濬曰：吾始懼登艾之事，畏禍及不

得無言，亦不能遣諸胷中，是吾褊也。時人咸以濬功

重，報輕博。士秦秀太子洗馬孟康前，溫令李密等並

表訟濬之。屈帝乃遷濬鎮軍大將軍，加散騎常侍，領

後軍將軍。王渾詣濬，濬嚴設備衛，然後見之。其相猜

防如此濬平吳之後以勳高位重不復素業自居乃  
正食錦服縱奢侈以自逸其有辟引多是蜀人示不  
遺故舊也後又轉濬撫軍大將軍開府儀同三司加  
特進散騎常侍後軍將軍如故太康六年卒時年八  
十謚曰武葬柏谷山大營塋域葬垣周四十五里面  
別開一門松柏茂盛子矩嗣矩弟暢散騎郎暢子粹  
太康十年武帝詔粹尚潁川公主仕至魏郡太守濬  
有二孫過江不見齒錄安西將軍栢溫鎮江陵表言  
之曰臣聞崇德賞功爲政之所先興滅繼絕霸王之  
所務故德參時雍則弈世承祀功烈一代則永錫祚  
胤案故撫軍王濬歷職內外任兼文武料敵制  
勝明勇獨斷義存社稷之利不顧專輒之罪荷  
戈長驚席卷萬里僭號之兵面縛象魏令皇澤  
被於九州玄風洽於區外襄陽之封廢而莫續  
恩寵之號墜於近嗣遐邇酸懷臣竊悼之濬今  
有二孫年出六十室如懸磬嚙口江濱四節蒸  
嘗菜羹不給昔漢高定業求樂毅之嗣世祖旌  
賢建葛亮之勳夫效忠異代立功異國尚通天  
下之善使不泯棄况濬建元勳於當年著嘉慶  
於身後靈基託根於南垂皇祚中興於江左舊

物克彰神器重耀豈不由伊人之功力也哉誠  
宜加恩少垂矜憫追錄舊勳纂錫茅土則聖朝  
之恩宣暢於上忠臣之志不墜于地矣卒不見  
省

唐彬

唐彬字儒宗魯國鄒人也父臺山太守彬有經國大  
度而不拘行檢少便弓馬好遊獵身長八尺走及奔  
鹿強力兼人晚乃敦悅經史尤明易經隨師受業還  
家教授恒數百人初為郡門下掾轉主簿刺史王沉  
集諸參佐盛論距吳之策以問九郡吏彬與譙郡

顥

主簿張憚俱陳吳有可兼之勢沈善其對又使彬難  
言吳未可伐者而辭理皆屈還遷功曹舉孝廉州辟  
主簿累遷別駕彬忠肅端亮盡規匡救不顯諫以自  
彰又奉使詣相府計事于時僚佐皆當世英彥見彬  
莫不欽悅稱之於文帝薦為掾屬帝以問其參軍孔  
顥忘其能良久不荅陳寤在坐斂板而稱曰彬之為  
人勝寤甚遠帝笑曰但能如卿固未易得何論於勝  
因辟彬為鎧曹屬帝問曰卿何以致辟對曰脩業陋  
巷觀古人之遺迹言滿天下無口過行滿天下無怨  
惡帝顧四坐曰名不虛行他日謂孔顥曰近見唐彬



卿受蔽賢之責矣初鄧艾之誅也文帝以艾久在隴  
 右素得士心一旦夷滅恐邊情搖動使彬密察之彬  
 還白帝曰鄧艾忌克詭狹矜能負才順從者謂為見  
 事直者謂之觸迂雖長史司馬參佐牙門荅對失措  
 輒見罵辱處身無禮大失人心又好施行事役數勞  
 衆力隴右甚患苦之喜聞其禍不肯為用令諸軍已  
 至足以鎮壓內外願無以為慮俄除尚書水部郎泰  
 始初賜爵關內侯出補郡令彬導德齊禮暮月化成  
 遷弋陽太守明設禁防百姓安之以母喪去官益州  
 東接吳寇監軍位缺朝議用武陵太守楊宗及彬武  
 帝以問散騎常侍文立立曰宗彬俱不可失然彬多  
 財欲而宗好酒惟陛下裁之帝曰財欲可足酒者難  
 改遂用彬尋又詔彬監巴東諸軍事加廣武將軍上  
 征吳之策甚合帝意後與王濬共伐吳彬屯據衝要  
 為衆軍前驅每設疑兵應機制勝陷西陵樂鄉多所  
 擒獲自巴陵沔口以東諸賊所聚莫不震懼倒戈肉  
 袒彬知賊寇已殄孫皓將降未至建鄴二百里稱疾  
 逢留以示不競果有先到者爭物後到者爭功于時  
 有識莫不高彬此舉吳平詔曰廣武將軍唐彬受任  
 方隅東禦吳寇南臨蠻越撫寧疆場有綏禦之績又

每忼慨志在立功頃者征討扶疾奉命首啓戎行獻  
俘授馘勲效顯著其以彬爲右將軍都督巴東諸軍  
事徵拜翊軍校尉改封上庸縣侯食邑六千戶賜絹  
六千匹朝有疑議每參預焉北虜侵掠北平以彬爲  
使持節監幽州諸軍事領護烏丸校尉右將軍彬旣  
至鎮訓卒利兵廣農重稼震威耀武宣諭國命示以  
恩信於是鮮卑二部大莫虜獯何等並遣侍子入貢  
兼修學校誨誘無倦仁惠廣披遂開拓舊境却地千  
里復秦長城塞自溫城洎于碣石懸巨山谷且三千  
里分屯屯宇烽候相望由是邊境獲安無犬吠之警

自漢魏征鎮莫之比焉鮮卑諸種畏懼遂殺大莫虜  
彬欲討之恐列上俟報虜必逃散乃發幽冀車牛參  
軍許祗密奏之詔遣御史檻車徵彬付廷尉以事直  
見釋百姓追慕彬功德生爲立碑作頌彬初受學於  
東海閻德明徒甚多獨目彬有廊廟才及彬官成而  
德已卒乃爲之立碑元康初拜使持節前將軍領西  
戎校尉雍州刺史下教曰此州名都士人林藪處士  
皇甫申叔嚴舒龍姜茂時梁子遠等並志節清妙履  
行高潔踐境望風虛心饑渴思加延致待以不臣之  
典幅巾相見論道而已豈以吏職屈染高規郡國備

碩

禮發遣以副於邑之望於是四人皆到彬敬而待之  
元康四年卒官時年六十謚曰襄賜絹二百匹錢二  
十萬長子嗣官至廣陵太守少子岐征虜司馬

史臣曰孫氏負江山之阻隔恃牛斗之妖氛奄有水  
鄉抗衡上國二王屬當戎旅受律並征渾既獻捷橫  
江濬亦剋清建鄴干時討吳之役將帥雖多定吳之  
功此焉為最向使弘范父之不伐慕陽夏之推功上

稟廟堂下憑將士豈非懋勳德善始善終者歟此  
而不存彼焉是務或矜功負采或恃勢驕陵競構南  
窳成茲目錦遂乃喧黷宸宸亂彝倫既為戒於功  
臣亦致譏於清論豈不惜哉王濟遂驕父之褊心乖

爭子之明義雋材雖多亦奚以為也唐彬畏避交爭  
屬疾遲留退讓之風賢於渾濬遠矣傳云不拘行檢  
安得長者之行哉

贊曰二王總戎淮海攸同渾既害善濬亦矜功武子  
豪傑夙參朝列逞慾牛心紆情馬埒儒宗知退避名  
全節

列傳第十二

晉書四十二

唐太宗文皇帝

御撰

山濤

山濤字巨源河內懷人也父曜宛句令濤早孤居貧  
 少有器量介然不群性好莊老每隱身自晦與嵇康  
 呂安善後遇阮籍便為竹林之遊著忘言之契康後  
 坐事臨誅謂子紹曰巨源在汝不孤矣濤年四十始  
 為郡主簿功曹上計掾舉孝廉州辟部河南從事與  
 石鑒共宿濤夜起蹴鑒曰今為何等時而眠邪知太  
 傅卧何意鑒曰宰相三不朝與尺一令歸第卿何慮

也濤曰咄石生無事馬蹄間邪投傳而去未二年果  
有曹爽之事遂隱身不交世務與宣穆后有中表親  
是以見景帝帝曰只望欲任邪命司隸舉秀才除郎  
中轉驃騎將軍王昶從事中郎久之拜趙國相遷尚  
書吏部郎文帝與濤書曰足下在事清明雅操萬時  
念多所乏今致錢二十萬穀二百斛魏帝嘗賜景帝  
春服帝以賜濤又以母老并贈藜杖一枚晚與尚書  
和道交又與鍾會裴秀並申款昵以二人居勢爭權  
濤平心處中各得其所而俱無恨焉遷大將軍從事  
中郎鍾會作亂於蜀而文帝將西征時魏氏諸王公  
並在鄴帝謂濤曰西偏吾自了之後事深以委卿以  
本官行軍司馬給親兵五百人鎮鄴咸熙初封新沓  
子轉相國左長史典統別營時帝以濤卿間宿望命  
太子拜之帝以齊王攸繼景帝後素又重攸嘗問裴  
秀曰大將軍開建未遂吾但承奉後事耳故立攸將  
歸功於兄何如秀以為不可又以問濤濤對曰廢長  
立少違禮不祥國之安危恒必由之太子位於是乃  
定太子親拜謝濤及武帝受禪以濤守大鴻臚護送  
陳留王詣鄴泰始初加奉車都尉進爵新沓伯及羊  
祜執政時人欲危裴秀濤正色保持之由是失權臣

意出為冀州刺史加寧遠將軍冀州俗薄無相推轂  
濤甄拔隱屈搜訪賢才旌命三十餘人皆顯名當時  
人懷慕尚風俗頗章轉北中郎將督鄴城守事入為  
侍中遷尚書以母老辭職詔曰君雖乃心在於色養  
然職有上下旦夕不廢醫藥且當割情以隆在公濤  
心求退表疏數十上久乃見聽除議郎帝以濤清儉  
無以供養特給日契加賜沐帳茵褥禮秩崇重時莫  
為比後除太常卿以疾不就會遭母喪歸鄉里濤年  
踰耳順居喪過禮負土成墳手植松柏詔曰吾所共  
致化者官人之職是也方今風俗陵遲人心進動宜  
崇明好惡鎮以退讓山太常雖尚居諒闇情在難奪  
方今務殷何得遂其志邪其以濤為吏部尚書濤辭  
以喪病章表懇切會元皇后崩遂扶輿還洛逼迫詔  
命自力就職前後選舉周徧內外而並得其才咸寧  
初轉太子少傅加散騎常侍除尚書僕射加侍中領  
吏部固辭以老疾上表陳情章表數十上久不攝職  
為左丞白裒所奏帝曰濤以病自聞但不聽之耳使  
濤坐執銓衡則可何必上下邪不得有所問濤不自  
安表謝曰古之王道正直而已陛下不可以一老臣  
為加曲私臣亦何心屢塵日月乞如所表以章典刑

帝再手詔曰白衷奏君甚妄所以不即推直不喜凶  
赫耳君之明度豈當介意邪便當攝職令斷章表也  
濤志必欲退因發從弟婦喪輒還外舍詔曰山僕射  
近日暫出遂以微苦未還豈吾側席之意其遣承掾  
奉詔喻旨若體力故未平康者便以輿車輿還寺舍  
濤辭不獲已乃起視事濤再居選職十有餘年每一  
官缺輒啓擬數人詔旨有所向然後顯奏隨帝意所  
欲為先故帝之所用或非舉首衆情不察以濤輕重  
任意或譖之於帝故帝手詔戒濤曰夫用人惟才不  
貴疎遠卑賤天下便化矣而濤行之自若一年之後  
衆情乃寢濤所奏甄拔人物各為題目時稱山公啓  
事濤中立於朝晚值后黨專權不欲任楊氏多有諷  
諫帝雖悟而不能改後以年衰疾薦上疏告退曰臣  
年垂八十救命旦夕若有毫末之益豈遺力於聖時  
迫以老耄不復任事今四海休息天下思化從而靜  
之百姓自正但當崇風尚教以敷之耳陛下亦復何  
事臣耳目聾瞑不能自勵君臣父子其間無文是以  
直陳愚情乞聽所請乃免冠徒跣上還印綬詔曰天  
下事廣加吳土初平凡百草創當共盡意化之君不  
深識往心而以小疾求退豈所望於君邪朕猶側席

未得垂拱君亦何得高尚其事乎當崇至公勿復為  
虛飾之煩濤苦表請退詔又不許尚書令衛瓘奏濤  
以微苦父不視職手詔頻煩猶未順旨參議以為無  
專節之尚違至公之義若實沈薦亦不宜居位可免  
濤官中詔瓘曰濤以德素為朝之望而常深退讓至  
于懇切故比有詔欲必奪其志以匡輔不逮主者既  
不思明詔旨而反深加詆案虧崇賢之風以重吾不  
德何以示遠近邪濤不得已又起視事太康初遷右  
僕射加光祿大夫侍中掌選如故濤以老疾固辭手  
詔曰君以道德為世模表況自先帝識君遠意吾將

一龍錢五十萬布百匹以供喪事策贈司徒印

綏侍中貂蟬新沓伯蜜印青朱綬祭以太牢謚曰康  
將葬賜錢四十萬布百匹左長史范晷等上言濤舊  
第屋十間子孫不相容帝為之立室初濤布衣家貧  
謂妻韓氏曰忍飢寒我後當作三公但不知婦堪作  
夫人不耳及居榮貴貞慎儉約雖爵同千乘而無嬪  
媵祿賜俸秩散之親故初陳郡袁毅嘗為鬲令貪濁  
而賂遺公卿以求虛譽亦遺濤絲百斤濤不欲異於  
時受而藏於閣上後毅事露檻車送廷尉凡所受賂  
皆見推檢濤乃取絲付吏積年塵埃印封如初濤飲



酒至八斗方醉帝欲試之乃以酒八斗飲濤而蜜益其酒濤極本量而止有五子該濤允謨簡

該字伯倫嗣父爵仕至并州刺史太子左率贈長水

校尉該子瑋字彥祖翊軍校尉次子世回吏部郎散

騎常侍濤字子玄不仕允字炳真奉車都尉並少疋

病形甚短小而聰敏過人武帝聞而欲見之濤不敢

辭以問於允允自以疋陋不肯行濤以為勝己乃表

曰臣二子疋病宜絕人事不敢受詔謨字季長明惠

有才智官至司空掾

簡字季倫性溫雅有父風年二十餘濤不之知也簡

剪曰吾年幾三十而不為家公所知後與譙國稱紹

沛郡劉謨弘農楊淮齊名初為太子舍人累遷太子

庶子黃門郎出為青州刺史徵拜侍中頃之轉尚書

歷鎮軍將軍荊州刺史領南蠻校尉不行復拜尚書

光熙初轉吏部尚書永嘉初出為雍州刺史鎮西將

軍徵為尚書左僕射領吏部簡欲令朝臣各舉所知

以廣得才之路上疏曰臣以為自古興替實在官人

苟得其才則無物不理書言知人則哲惟帝難之唐

虞之盛元愷登庸周宣之隆濟濟多士秦漢已來風

雅漸喪至於後漢女君臨朝尊官大位出於阿保斯

亂之始也是以郭泰許劭之倫明清議於草野陳蕃  
李固之徒守志節於朝廷然後君臣名節古今遺典  
可得而言自初平之元訖於建安之末三十年中萬  
姓流歎死亡略盡斯亂之極也世祖武皇帝應天順  
人受禪于魏泰始初躬親萬機佐命之臣咸皆率職  
時黃門侍郎王恂庾純始於太極東堂聽政評尚書  
奏事多論刑獄不論選舉臣以為不先所難而辨其  
所易陛下初臨萬國人思盡誠每於聽政之日命公  
卿大臣先議選舉之言所見後進雋才鄉邑尤異才  
堪任用者皆以名去矣主者隨缺先叙是爵人於朝與  
衆共之之義也朝廷後之永嘉三年出為征南將軍  
都督荆湘交廣四州諸軍事假節鎮襄陽于時四方  
寇亂天下分崩王威不振朝野危懼簡優游卒歲唯  
酒是耽諸習氏荆土直家族有佳園池簡每出遊嬉多  
之池上置酒輒醉名之曰高陽池時有童兒歌曰山  
公出何許往往至高陽池日夕倒載歸醪醑無所知時  
時能騎馬倒著白接籬舉鞭向葛疆何如并州兒疆  
家在并州聞愛將也尋加督寧益軍事時虜賊入寇  
京師危逼簡遣督護王萬率師赴難次于涅陽為宛  
城賊王如所破遂嬰城自守及洛陽陷沒簡又為賊

沔

嚴義所逼乃遷于夏口招納流亡江漢歸附時華歆以江州作難或勸簡討之簡曰與吾夏舊友為之惆悵簡豈利人之機以為功伐乎其薦厚如此時樂府伶人避難多入沔漢讌會之日察佐或勸奏之簡曰社稷傾覆不能匡救有晉之罪人也何作樂之有因流涕慷慨主者咸愧焉年六十卒追贈征南大將軍儀同三司子遐

遐字彥林為餘姚令時江左初基法禁寬弛豪族多挾藏戶口以為私附遐繩以峻法到縣八旬出口萬餘縣人震喜以藏戶當棄市遐欲繩喜諸豪疆莫不

切齒於遐言於執事以遐有高節不宜屈辱又以遐輒造縣舍遂陷其罪遐與會稽內史何充牋乞留百日窮翦逋逃退而就罪無恨也充申理不能得竟坐免官後為東陽太守為政嚴猛康帝詔曰東陽頃來竟囚每多入重豈郡多罪人將捶楚所求莫能自固邪遐處之自若郡境肅然卒於官

史臣曰若夫居官以潔其務欲以啓天下之方事親以終其身將以勸天下之俗非山公之真美其孰能與於此者哉自東京喪亂吏曹湮滅西園有三公之錢蒲陶有一州之任貪饕方駕寺署斯滿時移三代

世歷九王拜謝私庭此焉成俗若乃餘風稍殄理或  
可言委以銓綜則群情自抑通乎魚水則專用生疑  
將矯前失歸諸後正惠絕臣名恩馳天口世稱山公  
啓事者豈斯之謂歟若盧子家之前代何足算也

### 王戎

王戎字濬冲琅邪臨沂人也祖雒幽州刺史父渾涼  
州刺史貞陵亭侯戎幼而穎悟神彩秀徹視日不眩  
裴楷見而目之曰戎眼爛爛如巖下電年六七歲於  
宣武塲觀戲猛獸在檻中虓吼震地衆皆奔走戎獨  
立不動神色自若魏明帝於閣上見而奇之又嘗與

群兒戲於道側見李樹多實等輩競趨之戎獨不往  
或問其故戎曰樹在道邊而多子必苦李也取之信  
然阮籍與渾為友戎年十五隨渾在郎舍戎少籍二  
十歲而籍與之交籍每適渾俄頃輒去過視戎良久  
然後出謂渾曰濬冲清賞非卿倫也共卿言不如共  
阿戎談及渾卒於涼州故吏賻贈數百萬戎辭而不  
受由是顯名為人短小任率不脩威儀善發談端賞  
其要會朝賢嘗上巳禊浴戎問王濟曰昨游有何言  
談濟曰張華善說史漢裴頠論前言往行袞袞可聽  
王戎談子房李札之賢超然玄著其為識鑒者所賞

如此戎嘗與阮籍飲時兗州刺史劉昶字公榮在坐籍以酒少酌不及昶昶無恨色戎異之他日問籍曰彼何如人也荅曰勝公榮不可不與飲若減公榮則不敢不共飲惟公榮可不與飲戎每與籍為竹林之游戎嘗後至籍曰俗物已復來敗人意戎笑曰卿輩意亦復易敗耳鍾會伐蜀過與戎別問計將安出戎曰道家有言為而不恃非成功難保之難也及會敗議者以為知言昶父爵辟相國掾歷吏部黃門郎散騎常侍河東太守荆州刺史坐遣吏脩園宅應免官詔以贖論遷豫州刺史加建威將軍受詔伐吳戎遣參軍羅尚劉喬領前鋒進攻武昌吳將楊雍孫述夏太守劉朗各率眾詣戎降戎督大軍臨江吳牙門將孟泰以蕪春邾二縣降吳平進爵安豐縣侯增邑六千戶賜絹六千疋戎渡江綏慰新附宣揚威惠吳光祿勳石偉方直不容皓朝稱疾歸家戎嘉其清節表薦之詔拜偉為議郎以二千石祿終其身荆土悅服徵為侍中南郡太守劉肇賂戎筒中細布五十端為司隸所糾以知而未納故得不坐然議者尤之帝謂朝臣曰戎之為行豈懷私苟得正當不欲為異耳帝雖以是言釋之然為清慎者所鄙由是損名戎在

職雖無殊能而庶績脩理後遷光祿勳吏部尚書以  
母憂去職性至孝不拘禮制飲酒食肉或觀奕棋而  
容貌毀悴杖然後起裴頠往乎之謂人曰若使一慟  
能傷人濟沖不免滅性之譏也時和嶠亦居父喪以  
禮法自持量米而食哀毀不踰於戎帝謂劉毅曰和  
嶠毀頓過禮使人憂之毅曰嶠雖寢苦食粥乃生孝  
耳至於王戎所謂死孝陛下當先憂之戎先有吐疾  
居喪增甚帝遣醫療之并賜藥物又斷賓客楊駿執  
政拜太子太傅駿誅之後東安公繇專斷刑賞威振  
外內戎誠繇曰大事之後宜深遠之繇不從果得罪  
轉中書令加光祿大夫給恩信五十人遷尚書左僕  
射領吏部戎始為甲午制凡選舉皆先治百姓然後  
授用司隸傅咸奏戎曰書稱三載考績三載黜陟幽  
明今內外群官居職未朞而戎奏還既未定其優劣  
且送故迎新相望道路巧詐由生傷農害政戎不仰  
依堯舜典謨而驅動浮華虧敗風俗非徒無益乃有  
大損宜免戎官以敦風俗戎與賈郭通親竟得不坐  
尋轉司徒以王政將圯苟媚取容屬愍懷太子之廢  
竟無一言匡諫裴頠戎之壻也頠誅戎坐免官齊王  
冏起義孫秀錄戎於城內趙王倫子欲取戎為軍司

博士王繇曰濬冲譎詐多端安肯為少年用乃止惠  
帝反宮以戎為尚書令既而河間王顥遣使就說成  
都王穎將誅齊王冏檄書至冏謂戎曰孫秀作逆天  
子幽逼孤糾合義兵掃除元惡臣子之節信著神明  
二王聽讒造構大難當穎忠謀以和不協卿其善為  
我籌之戎曰公首舉義衆匡定大業開闢已未未始  
有也然論功報賞不及有勞朝野失望人懷貳志今  
二王帶甲百萬其鋒不可當若以王就第不失故爵  
委權崇讓此求安之計也冏謀臣葛旻怒曰漢魏以  
來王公就第寧有得保妻子乎議者可斬於是百官  
震懼戎偽藥發墮廁得不及禍戎以晉室方亂慕遠  
伯玉之為人與時舒卷無蹇諤之節自經典選未嘗  
進寒素退虛名但與時浮沈戶調門選而已尋拜司  
徒雖位撻鼎司而委事僚案間乘小馬從便門而出  
游見者不知其三公也故吏多至大官道路相遇輒  
避之性好興利廣收八方園田水碓周徧天下積實  
聚錢不知紀極每自執牙籌晝夜筭計恒若不足而  
又儉嗇不自奉養天下人謂之膏盲之疾女適裴頠  
貸錢數萬久而未還女後歸寧戎色不悅女遽還直  
然後乃懽從子將婚戎遺其一單衣婚訖而更責取

家有好李常出貨之恐人得種恒鑽其核以此獲譏於世其後從帝北伐王師敗績於蕩陰戎復詣鄴隨帝還洛陽車駕之西遷也戎出奔于邺在危難之間親接鋒刃談笑自若未嘗有懼容時召親賓歡娛永日永興二年薨于邺縣時年七十二謚曰元戎有人倫鑒識常目山濤如璞玉渾金人皆欽其寶莫知名其器王衍神姿高徹如瑤林瓊樹自然是風塵表物謂裴頠拙於用長荀勗工於用短陳道寧綬綬如束長竿族弟敦有高名戎惡之敦每候戎輒託疾不見敦後果為逆亂其鑒賞先見如此嘗經黃公酒壚下

過顧為後車客曰吾昔與嵇對夜阮嗣宗酣暢於此竹林之游亦預其末自嵇阮云亡吾便為時之所羈紲今日視之雖近邈若山河初孫秀為琅邪郡吏求品於鄉議戎從弟衍將不許戎勸品之及秀得志朝士有宿怨者皆被誅而戎衍獲濟焉子萬有美名少而大肥戎令食糠而肥愈其年十九卒有庶子興戎所不齒以從弟陽平太守愔子為嗣

衍字夷甫粹情明秀風姿詳雅總角嘗造山濤濤嗟歎良久既去目而送之曰何物老嫗生寧馨兒然誤天下蒼生者未必非此人也父又為平北將軍常有



公事使行人列上不時報行年十四時在京師造僕射羊枯申陳事狀辭甚清辯枯名德貴重而行幼年無屈下之色衆咸異之楊駿欲以女妻焉行恥之遂陽狂自免武帝聞其名問戎曰夷甫當世誰比戎曰未見其比當從古人中求耳泰始八年詔舉奇才以安邊者行初好論從橫之術故尚書盧欽舉為遼東太守不就於是口不論世事唯雅詠玄虛而已嘗曰宴集為族人所怒舉裸擲其面行初無言引王導共載而去然心不能平在車中攬鏡自照謂導曰爾看吾目光乃在牛背上矣父卒於北平送故甚厚為親識之所借貸因以捨之數年之間家資罄盡出就洛城西田園而居焉後為太子舍人遷尚書郎出補元城令終日清談而照務亦理入為中庶子黃門侍郎魏正始中何晏王弼等祖述老莊立論以為天地萬物皆以無為為本無也者開物成務無往不存者也陰陽恃以化生萬物恃以成形賢者恃以成德不肖恃以免身故無之為用無爵而貴矣行甚重之惟裴頠以為非著論以議之而行處之自若行既有盛才美貌明悟若神常自比子貢兼聲名籍甚傾動當世妙善玄言唯談老莊為事每起三牖塵尾與手同

晉書卷之三十三

色義理有所不安隨即改更世謂口中雌黃朝野翕然謂之一世龍門矣累居顯職後進之士莫不景慕放效選舉登朝皆以為楷模於高淳詠遂成風俗焉衍嘗喪幼子山簡吊之衍悲不自勝簡曰孩抱中物何至於此衍曰聖人忘情景下不及於情然則情之所鍾正在我輩簡服其言更為之慟衍妻郭氏賈后之親藉宮中之勢剛愎貪戾聚斂無厭好干預人事衍患之而不能禁時有鄉人幽州刺史李陽京師大俠也郭氏素憚之衍謂郭曰非但我言卿不可李陽亦謂不可郭氏為之小換衍疾郭之貪鄙故口未嘗言錢郭欲試之令婢以錢纏牀使不得行衍晨起見錢謂婢曰舉阿堵物却其措意如此後歷北軍中候中領軍尚書令女為賈懷太子妃太子為賈后所誣衍懼禍自表離婚賈后既廢有司奏衍曰衍與司徒梁王彤書寫呈皇太子手與妃及衍書陳見誣之狀彤等伏讀辭旨懇惻衍備位大臣應以義責也太子被誣得罪衍不能守死善道即求離婚得太子手書隱蔽不出志在苟免無忠譽之操宜加顯責以厲臣節可禁錮終身後之衍主不輕趙王倫之為人及倫篡位衍陽狂所憚以自免及倫誅拜河南尹轉尚書又

為中書令時齊王罔有匡復之功而專權自恣公卿  
 皆為之拜行獨長揖焉以病去官成都王穎以行為  
 中軍帥累遷尚書僕射領吏部後拜尚書令司空司  
 徒行雖居宰輔之重不以經國為念而思自全之計  
 說東海王越曰中國已亂富賴方伯宜得文武兼資  
 以任之乃以弟澄為荊州弟敦為青州因謂澄敦  
 曰荊州有江漢之固青州負海之險卿二人在外  
 而吾留此是以為三窟矣識者鄙之及石勒王彌寇  
 京師以行都督征討諸軍事持節假黃鉞以距之行  
 東前將軍曹武左衛將軍王景擊賊退之獲其輜  
 重遷太尉尚書令如故封武陵侯辭封不受時洛陽  
 危逼多欲遷都以避其難而行獨賣車牛以安眾心  
 越之討苟晞也行以太尉太傅軍司及越薨眾共  
 推為元帥行以賊寇鋒起懼不敢當辭曰吾少無官  
 情隨牒推移遂至於此今日之事安可以非才處之  
 俄而舉軍為石勒所破勒呼王公與之相見問行以  
 晉故行為陳禍敗之由云計不在己勒甚悅之與語  
 移日行自說少不豫事欲求自免因勸勒稱尊蒲勒  
 怒曰君名蓋四海身居重任少壯登朝至於白首何  
 得言不豫世豈邪破壞天下正是君罪使左右扶出

四十六

晉列傳十三

六

謂其黨孔羨曰吾行天下多矣未嘗見如此人當可  
活不長曰彼魯之三公必不為我盡力又何足責乎  
勒曰要不可加以鋒刃也使人夜排墻填殺之行將  
死顧而言曰嗚呼吾曹雖不如古人向若不祖尚浮  
虛戮力以匡天下猶可不至今日時年五十六衍雋  
秀有令望希心玄遠未常語利王敦過江常稱之曰  
夷甫處衆中如珠玉在瓦石間顧愷之作畫贊亦稱  
衍巖巖清峙壁立千仞其為人所尚如此子玄字眉  
子少慕簡曠亦有俊才與衛玠齊名荀藩用為陳留  
太守也尉氏玄素名家有憂氣荒弊之時人情不附  
將赴祖逖為盜所害焉

澄字平子生而警悟雖未能言見人舉動便識其意  
衍妻郭性貪鄙欲令婢路上擔糞澄年十四諫郭以  
為不可郭大怒謂澄曰昔夫人臨終以小郎屬新婦  
不以新婦屬小郎因投其衣裾將杖之澄爭得脫踰  
牕而走衍有重名於世時人許以人倫之鑒尤重澄  
及王敦凌歎嘗為天下人士目曰阿平第一子嵩第  
二處仲第三澄嘗謂衍曰兄形似道而神峰太雋衍  
曰誠不如卿落落穆穆然也澄由是顯名有經澄所  
題目者衍不復有言輒云已經平子矣少歷顯位累

遷成都王穎從事中郎穎嬖豎孟玖誚殺陸機兄弟  
 天下切齒澄發玖私姦勸穎殺玖穎乃誅之士庶莫  
 不稱善及穎敗東海王越請為司空長史以迎大駕  
 勲封南鄉侯遷建威將軍雍州刺史不之職時王敦  
 謝鯤庾敳阮脩皆為行所稅善踰為四友而亦與澄  
 狎又有光逸胡毋輔之等小豫焉酣讌縱誕窮權極  
 娛惠帝末衍白越以澄為荆州刺史持節都督領南  
 蠻校尉敦為青州衍因問以方略敦曰當臨事制變  
 不可豫論澄醉義鋒出筭畋無方一坐嗟服澄將之  
 鎮送者傾朝登見對上鵲巢使脫衣上樹探穀而弄  
 之神氣蕭然傍若無人劉琨謂澄曰卿形雖散朗而  
 內實動俠以此處世難得其死澄默然不答澄既至  
 鎮日夜縱酒不親庶事雖寇戎急務亦不在懷擢  
 順陽人郭舒於寒卒之中以為別駕委以州府時京  
 師危逼澄率眾軍將赴國難而飄風折其節柱會王  
 如寇襄陽澄前鋒至宜城遣使詣山簡為如黨嚴羈  
 所獲羈偽使人從襄陽來而問之曰襄陽拔未荅云  
 昨旦破城已獲山簡乃陰緩澄使令得亡去澄聞襄  
 陽陷以為信然散眾而還阮而恥之託量運不贍委  
 罪長史蔣俊而斬之竟不能進巴蜀流人散在荆湘

四

晉書卷之二十一

十一

者與士人忿爭遂殺縣令屯聚樂鄉澄使成都內史  
王機討之賊請降澄偽許之既而罷之在寵洲以其  
妻子為賞沈八千餘人在江中於是益梁流人四五  
萬家一時俱反推杜弼為主南破零桂東掠武昌敗  
王機于巴陵澄亦無憂懼之意但與機日夜縱酒投  
壺博戲數十局俱起殺富人李才取其家資以賜郭  
舒南平太守應詹驟諫不納於是上下離心內外怨  
叛澄望實雖損猶傲然自得後出軍擊杜弼次于作  
塘山簡參軍王冲叛于豫州自稱荊州刺史澄懼使  
杜弼守江陵澄遷于房陵尋奔沓中郭舒諫曰使君  
雖無異政未失衆心今西收華容南義之兵足  
以擒此小醜奈何自棄澄不能從初澄命武陵諸郡  
同討杜弼天門太守扈瓌次于益陽武陵內史武察  
為其郡吏所害瓌以孤軍引還澄怒以杜曾代瓌夷  
袁遂壞故吏也託為瓌報仇遂舉兵遂曾自稱平晉  
將軍澄使司馬母丘懿討之為遂所敗會元帝徵澄  
為軍諮祭酒於是赴召時王敦為江州鎮豫章澄過  
詣敦澄夙有盛名出於敦右士庶莫不傾慕之兼勇  
力絕人素為敦所憚澄猶以舊意侮敦敦益忿怒請  
澄入宿陰欲殺之而澄左右有二十人持鐵馬鞭為

衛澄手嘗授王枕以自防故敦未之得發後敦賜澄左右酒皆醉借王枕觀之因下牀而謂澄曰何與杜跋通信澄曰事自可驗敦欲入內澄手引敦衣至于絕帶乃登于梁因罵敦曰行事如此殃將及焉敦令力士路戎搃殺之時年四十四載尸還其家劉琨聞澄之死歎曰澄自取之及敦平澄故吏佐著作即桓稚上表理澄請加贈謚詔復澄將官謚曰憲長子唐早卒次子微右軍司馬

郭舒

郭舒字稚行幼請其母從師歲餘便歸粗識大義鄉人少府范粲弟人武陵太守郭景威稱舒當為後來之秀終成國器始為領軍校尉坐擅放司馬彪繫廷尉世多義之刺史夏侯含辟為西曹轉主簿含坐事舒自繫理含事得釋刺史宗岱命為治中喪母去職劉弘救荊州引為治中弘卒舒率將士推弘子璠為主討逆賊郭勸滅之保全一州王澄聞其名引為別駕澄終日酣飲不以衆務在意舒常切諫之及天下大亂又勸澄脩德養威保完州境澄以為亂自京都起非復一州所能匡禦雖不能從然重其忠亮荆土士人宗廡嘗因酒忤澄澄怒叱左右捧廡舒厲色謂

左右曰使君過醉汝輩何敢妄動澄恚曰別駕狂邪  
誑言我醉因遣拍其鼻灸其眉頭舒跪而受之澄意  
少釋而廡遂得免澄之奔敗也以舒領南郡澄又欲  
將舒東下舒曰舒為萬里紀綱不能匡正令使君奔  
亡不忍渡江乃留屯沌口採稻湖澤以自給鄉人盜  
食舒牛事覺來謝舒曰卿饑所以食牛耳餘肉可共  
啖之世以此服其弘量舒少與杜曾厚曾嘗召之不  
往曾銜之至是澄又轉舒為順陽太守曾密遣兵嚴  
舒遁逃得免王敦召為參軍轉從事中郎襄陽都督  
周訪卒敦遣舒監襄陽軍甘卓至乃還朝廷徵舒為  
右丞敦留不遣敦謀為逆舒諫不從使守武昌甘卓  
別駕宗澹忌舒才能數譖之於王廙廙疑舒與甘卓  
同謀密以白敦敦不受高官督護繆垣嘗請武昌城  
西地為營太守樂凱言於敦曰百姓久買此地種菜  
自贍不宜奪之敦大怒曰王處仲不來江湖當有武  
昌地不而人云是我地邪凱懼不敢言舒曰公聽舒  
一言敦曰平子以卿病狂故搯鼻灸眉頭舊疾復發  
邪舒曰古之狂也直周昌汲黯朱雲不狂也昔堯立  
誹謗之木舜置敢諫之鼓然後事無枉縱公為勝堯  
舜邪乃逆折舒使不得言何與古人相遠敦曰卿欲



何言舒曰繆坦可謂小人疑誤視聽奪人私地以強陵弱晏子稱君曰其可臣獻其否以成其可是以舒等不敢不言敷即使遷地衆咸壯之敷重舒公亮給賜轉豐數詣其家表為梁州刺史病卒

### 樂廣

樂廣字彥輔南陽滎陽人也父方衆魏征西將軍夏侯玄軍事廣時年八歲玄常見廣在路曰呼與語還謂方曰向見廣神姿朗徹當為名士卿家雖貧可令專學必能興卿門戶也方早卒廣孤貧僑居山陽寒素為業人無知者性冲約有遠識實嘗忿與物無競

尤善談論每以約言析理以厭人之心其所不知默

如也裴楷嘗引廣共談自夕申旦雅相欽挹歎曰我所不如也王戎為荊州刺史聞廣為夏侯玄所賞乃舉為秀才楷又薦廣於賈克遂辟太尉掾轉太子舍人尚書令衛瓘朝之耆舊逮與魏正始中諸名士談論見廣而竒之曰自昔諸賢既沒常恐微言將絕而今乃復聞斯言於君矣命諸子造焉曰此人之水鏡見之瑩然若披雲霧而覩青天也王衍自言與人語甚簡至及見廣便覺已之煩其為識者所歎美如此出補元城令遷中書侍郎轉太子中庶子累遷侍中

河南尹廣善清言而不長於筆將讓尹請潘岳為表  
岳曰當得君意廣乃作二百句語述己之志岳因取  
次比便成名筆時人咸云若廣不假岳之筆岳不取  
廣之旨無以成斯美也嘗有親客久闊不復來廣問  
其故荅曰前在坐蒙賜酒方欲飲見盃中有蛇意甚  
惡之既飲而疾于時河南聽事壁上有角漆畫作蛇  
廣意盃中蛇即角影也復置酒於前處謂客曰酒中  
復有所見不荅曰所見如初廣乃告其所以客豁然  
意解沈痾頓愈衛玠搃角時嘗問廣夢廣云是想玠  
曰神形所不接而夢豈是想玠廣曰因也玠思之經  
月不得遂以成疾廣聞故命駕為剖析之玠病即愈  
廣歎曰此賢宵中當必無膏肓之疾廣所在為政無  
當時功譽然每去職遺愛為人所思凡所論人必先  
稱其所長則所短不言而自見矣人有過先盡弘恕  
然後善惡自彰矣廣與王衍俱宅心事外名重於時  
故天下言風流者謂王樂為稱首焉少與弘農楊準  
相善準之二子曰喬曰髦皆知名於世準使先詣裴  
頽頽性弘方愛喬有高韻謂準曰喬當及卿髦少減  
也又使詣廣廣性清淳愛髦有祥檢謂準曰喬自及  
卿然髦亦清出準笑曰我二兒之優劣乃裴樂之優

劣也論者以為喬雖有高韻而神檢不足樂為得之矣是時王澄胡毋輔之等皆亦任放為達或至裸體者廣聞而咲曰名教內自有樂地何必乃爾其居才愛物動有理中皆此類也值世道多虞朝章紊亂清己中立任誠保素而已時人莫有見其際焉先是河南官舍多妖恠前尹皆不敢處正寢廣居之不疑嘗外戶自閉左右皆警廣獨自若顧見墻有孔使人掘墻得狸而殺之其恠亦絕愍懷太子之廢也詔故臣不得辭送眾官不勝憤歎皆冒禁拜辭司隸校尉滿奮勅河南中部收縛拜者送獄廣即便解遣眾入代

今若

臣不懼嚴詔冒罪而送是繫之是斬太子之善不如擇去謚然其言廣故得不坐遷吏部尚書左僕射後東安王繇當為僕射轉廣為右僕射領吏部代王戎為尚書令始戎薦廣而終踐其位時人美之成都王穎廣之壻也及與長沙王又違難而廣既處朝望群小讒謗之入以問廣廣神色不變徐荅曰廣豈以五男易一女又猶以為疑廣竟以憂卒荀藩聞廣之不免也為之流涕三子凱肇謨凱字弘諸大司馬齊王掾參驃騎軍事肇字弘茂太傅東海王掾洛陽陷兄

弟相攜南渡江謨字弘範征虜將軍吳郡內史  
史臣曰漢相清靜見譏於曠務周史清虛不嫌於尸  
祿豈台揆之任有異於常班者歟潘冲善發談端夷  
甫仰希方外登槐庭之顯列顛漆園而高視彼既憑  
虛朝章已亂戎則取容於世苟委貨財衍則自保其  
身寧論宗稷及三方構亂六戎藉手犬羊之侶鋒鏑  
如雲夷甫區區焉侮彼兇渠以求容貸頽墻之隕猶  
有禮也平子肆情傲物對境難堪終天厥生自貽伊  
敗且夫衣服表容珪璋範德聲移宮羽彩照山華布  
武有章立言成訓澄之箕踞不已甚矣若乃解袒登  
杖初形捫鵲以此謂達謂之高致輕薄是效風流詎  
及道揆將聖事乖跼拍揅情獨往自大其生者焉昔  
晏嬰尖莊公之尸樂令鮮慙懷之客豈聞伯夷之風  
歟悞夫能立志者也

贊曰晉家求士乃構仙臺陵雲切漢山叟知材潘冲  
居鼎談優務劣夷甫兩顧退求三穴神胤當年忠乖  
曩列平子陵侮多於用拙樂令披雲高天澄徹

列傳第十四

晉書四十四

林撰

鄭泰 子默 默子球

鄭泰字林叔，滎陽開封人也。高祖衆漢大司農父泰，揚州刺史，有高名。泰少孤，早有識鑒。荀攸見之，曰：「鄭公業為不亡矣。」隨叔父渾，避難江東。時華歆為豫章太守，渾往依之，歆素與泰善，撫養泰如己子。年十七，乃還鄉里。性清正，時濟陰魏諷為相國掾，名重當世。泰同郡，仕覽與結交，泰以諷奸雄，終必為禍，勸覽遠之。及諷歿，論者稱焉。魏武帝初封諸子為侯，精選賓友，泰與徐幹俱為臨淄侯文學，轉司隸，功曹從事司

晉書

卷四十四

空王胡群為掾袁舉高陽許允扶風曹芝東萊王基  
朗皆命之後咸至大位有重名袁遷尚書郎出為黎  
陽令吏民悅服太守班下屬城特見甄異為諸縣之  
最遷尚書右丞轉濟陰太守下車旌表孝悌敬禮賢  
能與立序序開誘後進調補大將軍從事中郎拜散  
騎常侍會廣平太守缺宣帝謂袁曰賢叔大匠垂稱  
於陽平魏郡百姓蒙惠化且盧子家王子雍繼踵此  
郡使世不乏賢故復相屈出袁在廣平以德化為先  
善作條教郡中愛之徵拜侍中百姓戀慕涕泣路隅  
遷少府高貴鄉公即位袁與河南尹王肅備法駕奉  
迎於元城封廣昌亭侯徙光祿勳領宗正母立儉作  
亂景帝自出征之一百官祖送於城東袁疾病不任會  
帝謂中領軍王肅曰唯不見鄭光祿為恨肅以語袁  
袁自輿追帝及於近道帝笑曰故知侯生必來也遂  
與袁共載曰計將何先袁曰昔與儉俱為臺郎特所  
知悉其人好謀而不達事情自昔建勲幽州志望無  
限文欽勇而無筭今大軍出其不意江淮之卒銳而  
不能圖深溝高壘以挫其氣此亞夫之長也帝稱善  
轉太常高貴鄉公議立明堂辟雍精選博士袁舉劉  
毅劉寔程咸庾峻後並至公輔大位及常道鄉公立

輔

與議定策進封安城鄉侯邑千戶景元初疾病失明  
屢乞骸骨不許拜光祿大夫五等初建封密陵伯武  
帝踐祚進爵為侯雖寢疾十餘年而時賢並相推薦  
泰始中詔曰光祿大夫密陵侯履行純正守道冲  
粹退有清和之風進有素絲之節宜登三階之曜補  
袞職之闕今以袞為司空天子臨軒遣五官中郎將  
國坦就第拜授袞前後辭讓遣息柎上送印綬至于  
十數謂坦曰魏以徐景山為司空吾時為侍中受詔  
譬旨徐公語吾曰三公當上應天心苟非其人實傷  
和氣不敢以雷死之年累辱朝廷也終於不就遵大  
雅君子之跡可不務乎固辭久之見許以侯就第拜

儀同三司置舍人官騎賜牀帳篔簹褥錢五十萬九年  
薨時年八十五帝於東堂發哀賜祕器朝服一具衣  
一襲錢三十萬絹布各百匹以供喪事謚曰元有子  
六人長子默嗣次質舒詡稱予位並列卿  
默字思元起家祕書郎考覈舊文刪省浮穢中書令  
虞松謂曰而今而後朱紫別矣轉尚書考功郎專典  
伐蜀事封關內侯遷司徒左長史武帝受禪與太原  
郭弈俱為中庶子朝廷以太子官屬宜稱陪臣默上  
言皇太子體皇極之尊無私於天下官臣皆受命天

朝不得同之藩國事遂施行出爲東郡太守值歲荒人饑默輒開倉振給乃舍都亭自表待罪朝廷嘉默憂國詔書褒歎比之汲黯班告天下若郡縣有此比者皆聽出給入爲散騎常侍初帝以貴公子當品鄉里莫敢與爲輩求之州內於是十二郡中正僉共舉默文帝與袁書曰小兒得廁賢子之流愧有竊賢之累及武帝出祠南郊詔使默驂乘因謂默曰卿知何以得驂乘乎昔州里舉卿相輩常愧有累清談遂問政事對曰勸穡務農爲國之基選人得才濟世之道居官久職政事之宜明慎黜陟勸戒之由宗尚儒素化導之本如此而已矣帝善之後以父喪去官尋起爲廷尉是時鬲令袁毅坐交通貨賂大興刑獄在朝多見引逮唯默兄弟以潔慎不染其流遷太常時僕射山濤欲舉一親親爲博士謂默曰卿似尹翁歸令吾不敢復言默爲人敦重柔而能整皆此類也及齊王攸當之國下禮官議崇錫典制博士祭酒曹志等並立異議默容過其事坐免尋拜大鴻臚遭母喪舊制既葬還職默自陳懇至久而見許遂改法定令聽大臣終喪自默始也服闋爲大司農轉光祿勳太康元年卒時年六十八謚曰成尚書令衛瓘奏默才行



名望宜居論道五升九卿位未稱德宜贈三司而后  
父楊駿先欲以女妻默子豫默曰吾每讀雋不疑傳  
常想其人畏遠權貴奕世所守遂辭之駿深為恨至  
此駿議不同遂不施行默寬冲博愛謙虛温謹不以  
才地矜物事上以禮遇下以和雖僮豎厮養不加聲  
色而猶嫌怨故士君子以為居世之難子球

球字子瑜少辟宰府入侍二宮成都王為大將軍起  
義討趙王倫球自頓丘太守為右長史以功封平壽  
公累遷侍中尚書散騎常侍中護軍尚書右僕射領  
吏部永嘉二年卒追贈金紫光祿大夫謚曰元球弟  
豫永嘉末為尚書

### 李胤

李胤字宣伯遼東襄平人也祖敏漢河內太守去官  
還鄉里遼東太守公孫度欲彊用之敏乘輕舟浮滄  
海莫知所終胤父信追求積年浮海出塞竟無所見  
欲行喪制服則疑父尚存情若居喪而不聘娶後有  
鄰居故人與其父同年者亡因行喪制服燕國徐璽  
與之同州里以不孝莫大於無後勸使娶妻既生胤  
遂絕房室恒如居喪禮不堪其憂數年而卒胤既幼  
孤母又改行有識之後降食哀戚亦以喪禮自居又

以祖不知存亡設木主以事之由是以孝聞容貌質  
 素頹然若不足者而知度沉還言必有則初仕郡上  
 計掾州辟部從事治中舉孝在界參鎮北軍事遷樂平  
 侯相政尚清簡入為尚書郎遷中護軍司馬吏部郎  
 銓綜廉平賜爵關中侯出補空曠太守文帝引為大  
 將軍從事中郎遷御史中丞其恪直繩百官憚之茂  
 蜀之役為西中郎將督關中諸軍事後為河南尹封  
 廣陸伯恭始初拜尚書進爵為侯胤奏以為古者三  
 公坐而論道內參六官之事外與六卿之教或處三  
 槐菽聽獄訟誓疑之典謀及卿士陛下聖德欽明垂  
 心萬機猥發明詔儀刑古式雖唐虞疇諮周文重  
 無以加也自今以往國有大政可親延群公詢納謹  
 言其軍國所疑延詣省中使侍中尚書諮論所宜若  
 有疾疢不任覲會臨時遣侍臣訊訪詔從之遷吏部  
 尚書僕射尋轉太子少傅詔以胤忠允高亮有匪躬  
 之節使領司隸校尉胤屢自表讓忝傳儲宮不宜兼  
 監司之官武帝以二職並須忠賢故每不許咸寧初  
 皇太子出居東宮帝以司隸事任峻重而少傅有旦  
 夕輔導之務胤素羸不宜久勞之轉拜侍中加特進  
 俄遷尚書令侍中特進如故胤雖歷職內外而家至

貧儉兒病無以市藥帝聞之賜錢十萬其後帝以司徒舊丞相之職部以胤為司徒在位五年簡亮持重稱為任職以吳會初平大臣多有勲勞宜有登進乃上疏遜位帝不聽遣侍中宣旨優詔敦諭絕其章表胤不得已起視事大康三年薨詔遣御史持節監喪致祠謚曰成皇太子命舍人王贇誄之文義甚美帝後思胤清節詔曰故司徒李胤太常彭灌並履忠清儉身沒家無餘積賜胤家錢二百萬穀千斛灌家半之三子固真長脩固字萬基散騎郎胤卒固子志嗣爵志字彥道歷位散騎侍郎建威將軍陽平太守真長位至太僕卿脩黃門侍郎太弟中庶子

### 盧欽

盧欽字子若范陽涿人也祖植漢侍中父毓魏司空世以儒業顯欽清澹有遠識篤志經史舉孝廉不行魏大將軍曹爽辟為掾爽弟嘗有所屬請欽白爽子弟不宜干犯法度爽深納之而罰其弟除尚書郎爽誅免官後為侍御史襲父爵大和亭侯累遷琅邪太守宣帝為太傅辟從事中郎出為陽平太守遷淮北都督伏波將軍甚有稱績徵拜散騎常侍大司農遷吏部尚書進封大梁侯武帝受禪以為都督沔北諸

軍事平南將軍假節給追鋒軺卧車各一乘第二駙  
馬二乘騎具刀器御府人馬鎧等及錢三十萬欽在  
鎮寬猛得中疆場無虞入為尚書僕射加侍中奉車  
都尉領吏部以清貧特賜絹百匹欽舉必以材稱為  
廉平成寧四年卒詔曰欽履道清正執德貞素文武  
之稱著於方夏入躋機衡惟允庶事肆勤內外有匪  
躬之節不幸薨沒朕甚悼之其贈衛將軍開府儀同  
三司賜祕器朝服一具衣一襲布五十匹錢三十萬  
謚曰元又以欽忠清高潔不營產業身沒之後家無  
所庇特賜錢五十萬為立第舍復下詔曰故司空王  
老衛將軍盧欽領典軍將軍楊囂並素清貧身沒之  
後居無私積頃者飢饉聞其家大匱其各賜穀三百  
斛欽歷宰州郡不尚功名唯以平理為務祿俸散之  
親故不營貲產動循禮典妻亡制廬杖終喪居外所  
著詩賦論難數十篇名曰小道子淳嗣

淳字子雲起家太子舍人病疽截手遂廢然朝廷器  
重之以為國子博士祭酒祕書監皆不就欽弟珽字  
子笏衛尉卿珽子志

志字子道初辟公府掾尚書郎出為鄴令成都王穎  
之鎮鄴也愛其才量委以心膂遂為謀主齊王冏起

部

義遣使告頴頴召志計事志曰趙王無道肆行篡逆四海人神莫不憤怒今殿下摠率三軍應期電發子來之衆不召自至掃夷凶逆必有征無戰然兵事至重聖人所慎宜旌賢任才以收時望頴深然之改選上佐高辟掾屬以志為諮議參軍仍補左長史專掌文翰頴前鋒都督趙驤為倫所敗士衆震駭議者多欲還保朝歌志曰今我軍失利敵新得勝必有輕易凌轢之情若頓兵不進三軍畏劔懼不可用且戰何能無勝負宜更選精兵星行倍道出賊不意此用兵之奇也頴從之及倫敗志勸頴曰齊王衆驍百萬與張泓等相持不能決大王逕得濟河此之大勳莫之與比而齊王今當與大王共輔朝政志聞兩雄不俱處功名不並立今宜因太妃微疾求還定省推崇齊王徐結四海之心此計之上也頴納之遂以母疾還藩委重於罔由是頴獲四海之譽天下歸心朝廷封志為武強侯加散騎常侍及河間王顥納李含之說欲內除二王樹頴儲副遣報頴頴將應之志正諫不從及罔滅頴遙執朝權遂懷厭望之心以長沙王乂在內不得恣其所欲密欲去乂時荊州有張昌之亂頴表求親征朝廷許之會昌等平乃迴兵以討乂志

諫曰公前有復皇祚之大勲及事平歸功於齊辭九錫之賞不當朝政之權振陽翟饑人葬黃橋白骨皆盛德之事四海之人莫不荷賴矣逆寇縱猾擾荆楚今公掃清群難南土以寧振旅而旋顛軍關外文服入朝此霸王者之事也穎不納及又死穎表志為中書監留鄴參署相府事乘輿敗於蕩陰穎遣志督兵迎帝及王浚攻鄴志勸穎奉天子還洛陽時甲士尚萬五千人志夜部分至曉衆皆成列而程太妃戀鄴不欲去穎未能決俄而衆潰唯志與子謐兄子縉殿中武賁千人而已志復勸穎早發時有道士姓黃號曰聖人太妃信之及使呼入道士求兩杯酒飲乾拋杯而去於是志計始決而人馬復散志於營陣間尋索得數乘鹿車司馬督韓玄收集黃門得百餘人志入帝問志曰何故散敗至此志曰賊去鄴尚八十里而人士一朝駭散太弟今欲奉陛下還洛陽帝曰甚佳於是御犢車便發立騎校尉郝昌先領兵八千守洛陽帝召之至汲郡而昌至兵仗甚盛志喜於復振啓天子宜下赦書與百姓同其休慶既達洛陽志啓以滿奮為司隸校尉奔散者多還百官粗備帝悅賜志絹二百匹綿百斤衣一襲鶴綾袍一領初河間

王顥聞王浚起兵遣右將軍張方救鄠方聞成都軍  
敗頓兵洛陽不敢進縱兵虜掠密欲還都長安將焚  
宗廟宮室以絕人心志說方曰昔董卓無道焚燒洛  
陽怨毒之聲百年猶存何為襲之乃止方遂逼天子  
幸其壘帝垂泣就輿唯志侍側曰陛下今日之事當  
一從右將軍巨驚怯無所云補唯知盡微誠不離左  
右而已傳方壘三日便西志復從至長安顥被黜志  
亦免官及東海王越奉迎大駕顥啓帝復顥還鄴以  
志為魏郡太守加左將軍隨顥北鎮行達洛陽而平  
昌公模遣前鋒督護馮嵩距顥還長安未至而聞  
顥斬張方求和於越顥住華陰志進長安詣闕陳謝  
即還就顥於武關奔南陽復為劉陶所驅迴詣河北  
及顥薨官屬奔散唯志親自殯送時人嘉之越命志  
為軍諮祭酒遷衛尉永嘉末轉尚書洛陽沒志將妻  
子北投并州刺史劉琨至陽邑為劉粲所虜與次子  
謐誥等俱遇害於平陽長子謏  
謏字子諒清敏有理恩好老莊善屬文選尚武帝女  
榮陽公主拜駙馬都尉未成禮而公主卒後州舉秀  
才辟太尉掾洛陽沒隨志北依劉琨與志俱為劉粲  
所虜粲據晉陽留謏為參軍琨收散卒引猗盧騎還

攻粲粲敗走。謏得赴琨。先父母兄弟在平陽者悉為劉聰所害。琨為司空。以謏為主簿。轉從事中郎。琨妻即謏之從母。既加親愛。又重其才地。建興末。隨琨投段匹磾。匹磾自領幽州。取謏為別駕。匹磾既害琨。尋亦敗。喪時。南路阻絕。段末波在遼西。謏往投之。元帝之初。末波通使於江左。謏因其使抗表理琨。文旨甚切。於是即加弔祭。累徵謏為散騎中書侍郎。而為末波所留。遂不得南渡。末波死。弟遼代立。謏流離世故。且二十載。石季龍破遼。西復為季龍所得。以為中書侍郎。國子祭酒。侍中。中書監。屬冉閔。誅石氏。謏隨閔軍於襄國。遇害。時年六十七。是歲永和六年也。謏名家子。早有聲譽。才高行潔。為一時所推。值中原喪亂。與清河崔悅。潁川荀綽。河東裴憲。北地傅暢。並淪陷。非所雖俱顯於石氏。恒以為辱。謏每謂諸子曰。吾身沒之後。但稱晉司空。從事中郎。爾撰祭法。注莊子及文集。皆行於世。悅字道儒。魏司空林曾孫。劉琨妻之姪也。與謏俱為琨司空從事中郎。後為末波佐史。沒石氏。亦居大官。其綽憲暢並別有傳。

華表

華表字偉容。平原高唐人也。父歆。清德高行。為魏太



尉表年二十拜散騎黃門郎累遷侍中正元初石苞  
 來朝盛稱高貴鄉公以為魏武更生時聞者流汗沾  
 背表懼禍作頻稱疾歸下舍故免於大難後遷尚書  
 五等建封觀陽伯坐供給喪事不整免泰始中拜太  
 子少傅轉光祿勳遷太常卿數歲以老病乞骸骨詔  
 曰表清貞履素有老成之美久幹王事靜恭匪懈而  
 以疾固辭章表懇至今聽如所上以為太中大夫賜  
 錢二十萬牀帳褥席祿賜與卿同門施行馬表以苦  
 節垂名司徒李胤司隸王宏等並歎羨表清澹退靜  
 以為不可得貴賤而親疏也咸寧元年八月卒時年

七十二謚曰康詔賜朝服有六子虞岑嶠嶠嶠澹簡

虞字長駿弘敏有才義妻父盧毓典選難舉姻親故  
 虞年三十五不得調晚為中書通事郎泰始初遷允  
 從僕射少為武帝所禮歷黃門侍郎散騎常侍前軍  
 將軍侍中南中郎將都督河北諸軍事父疾篤輒還  
 仍遭喪舊例葬訖復任虞固辭許言初表有賜客在  
 萬使虞因縣令袁毅錄名三客各代以奴及毅以貨  
 賕致罪獄辭迷謬不復顯以奴代客直言送三奴與  
 虞而毅亦盡氏壻也又中書監荀勗先為中子求虞  
 女虞不許為恨因密啓帝以表毅貨賕者多不可盡

罪宜責最所親者一人因指虞當之又緣虞有違忤  
之咎遂於喪服中免虞官削爵士大夫鴻臚何遵奏虞  
免為庶人不應襲封請以表世孫混嗣表有司奏曰  
虞所坐除名削爵一時之制虞為世子著在名簿不  
聽襲嗣此為刑罰再加諸侯犯法八議平處者襲功  
重爵也嫡統非犯終身棄罪廢之為重依律應聽襲  
封詔曰諸侯薨子踰年即位此古制也應即位而廢  
之爵命皆去矣何為罪罰再加且吾之責虞以肅貪  
穢本不論常法也諸賢不能將明此意乃更詭易禮  
律不顧憲度君命廢之而群下復之此為上下正相  
反也於是有人司奏免議者官詔皆以贖論混以世孫  
當受封逃避斷髮陽狂病瘖不能語故得不拜世咸  
稱之虞棲遲家巷垂十載教誨子孫講誦經典集經  
書要事名曰善文行於世與陳叔共造睹闡於宅側  
帝嘗出視之問其故左右以實對帝心憐之帝後又  
登陵雲臺望見虞首宿園阡陌甚整依然感舊太康  
初大赦乃得襲封久之拜城門校尉遷左衛將軍數  
年以為中書監惠帝即位加侍中光祿大夫尚書令  
進爵為公虞應得駮召不時還有司奏免官尋遷太  
子少傅加散騎常侍動遵禮典得傳導之義後年衰

病篤詔遣大醫療病進位光祿大夫開府儀同三司  
時河南尹韓壽因託賈后求以女配虞孫陶虞距而  
不許后深以為恨故遂不登台司年七十五卒謚曰  
元三子混奮恒

混字敬倫嗣父爵清貞簡正歷位侍中尚書卒官子  
陶嗣補鞏令没於石勒

奮字敬叔為河南尹與荀藩荀組俱避賊至臨穎父  
子並遇害

恒字敬則博學以清素為稱尚武帝女滎陽長公主  
拜駙馬都尉元康初東宮建恒以選為太子賓友賜

晉關內侯食邑百戶辟司徒王渾舍曹掾屬除散騎

侍郎累遷散騎常侍北軍中侯俄拜領軍加散騎常

侍愍帝即位以恒為尚書遷爵光陵縣公頃之劉聰

逼長安詔出恒為鎮軍將軍領穎川太守以為外援

恒與合義軍得二千人未及西赴而關中陷沒時群

賊方盛所在州郡相繼奔散恒亦欲棄郡東渡而從

兄軼為元帝所誅以此為疑先書與驃騎將軍王導

**導**言曰**帝**曰兄弟罪不相及况群從乎即召恒補

光祿勳恒到未及拜更人以為衛將軍加散騎常侍本

州大中正尋拜**太常**議立郊祀尚書刁協國子祭酒

杜彞議法還洛乃修郊祀恒議漢獻帝居許即便郊

柴宜於此脩立司徒荀組驃騎將軍王導同恒議遂

定郊祀彞以疾求解詔曰太常職主宗廟丞嘗敬重

而華恒所疾不堪視奉職事夫子穉言不與祭如不

祭况宗伯之任職所司邪今轉恒為廷尉頃之加特

進太寧初遷驃騎將軍加散騎常侍督石頭水陸諸

軍事王敦表轉恒為護軍疾病不拜授金紫光祿大

夫又領太子太保成帝即位加散騎常侍領國子祭

酒咸和初以愍帝時賜爵進封一皆削除恒更以討

王敦功封苑陵縣侯復領太常蘇峻之亂恒侍帝左

右從至石頭備履艱危困悴踰年初恒為州大中正

鄉人任讓輕薄無行為恒所黜及讓在峻軍中任勢

多所殺害見恒輒恭敬不辭其虐鍾雅劉超之死亦

將及恒讓盡心救衛故得免及帝加元服又將納后

寇難之後典籍靡遺婚冠之禮無所依據恒推尋舊

典撰定禮儀齊郊朝辟雍朝廷軌則事並施用遷左

光祿大夫開府常侍如故固讓未拜會卒時年六十

九冊贈侍中左光祿大夫開府諡曰敬恒清恪儉素

雖居顯列常布衣蔬食年老彌篤死之日家無餘財

唯有書數百卷時人以此貴之子俊嗣為尚書郎俊

子仰之大長秋

嶠字叔駿才學深博少有令聞文帝為大將軍辟為

掾屬補尚書郎轉車騎從事中郎泰始初賜爵關內

侯遷太子中庶子出為安平太守辭親老不行更拜

散騎常侍典中書著作領國子博士遷侍中太康末

武帝頗親宴樂又多疾病屬小瘳嶠與侍臣表賀因

微諫曰伏惟聖體漸就平和上下同慶不覺抃舞臣

等愚戇竊有微懷以為收功於所忽事乃無悔慮福

於垂成祚乃日新唯願陛下深垂聖明遠思所忽之

每以成日新之福冲靜和氣嗇養精神頤身於清簡

之宇留心於虛曠之域無厭世俗常戒以忽群下之

言則豐慶日延天下幸甚帝手詔報曰輒自消息無

所為慮元康初封宣昌亭侯詠揚駿改封樂鄉侯遷

尚書後以嶠博聞多識屬書典實有良史之志轉祕

書監加散騎常侍班同中書寺為內臺中書散騎著

作及治禮音律天文數術南省文章門下撰集皆典

統之初嶠以漢紀煩穢慨然有改作之意會為臺郎

典官制事由是得編觀祕籍遂就其緒起于光武終

於孝獻一百九十五年為帝紀十二卷皇后紀二卷

十典十卷傳七十卷及三譜序傳目錄凡九十七卷

禍

嶠以皇后配天作合前史作外戚傳以繼末編非其義也故易為皇后紀以次帝紀又改志為典以有堯典故也而改名漢後書奏之詔朝臣會議時中書監荀勗令和嶠太常張華侍中王濟咸以嶠文質事核有遷固之規實錄之風藏之祕府後太尉汝南王亮司空衛瓘為東宮傅列上通講事遂施行嶠所著論議難駁詩賦之屬數十萬言其所奏官制太子宜還宮及安邊雩祭明堂辟雍浚導河渠巡禹之舊跡置都水官脩蠶宮之禮置長秋事多施行元康三年卒退贈少府謚曰簡嶠性嗜酒率常沉醉所撰書千典未成而終祕書監何劭奏嶠中子徹為佐著作即使踵成之未竟而卒後監繆徽又奏嶠少子暢為佐著作即克成十典并草魏晉紀傳與著作即張載等俱在史官永嘉喪亂經籍遺沒嶠書存者五十餘卷嶠有三子頤徹暢頤嗣官至長樂內史暢有才思所著文章數萬言遭寇亂避難荆州為賊所害時年四十

石鑿

石鑿字林伯樂陵厭次人也出自寒素雅志公亮任魏歷尚書郎侍御史勅書左丞御史中丞多所糾正朝廷憚之出為并州刺史假節護匈奴中郎將武帝

受禪封堂陽子入為司隸校尉轉尚書時秦涼為虜  
所敗遣鑿都督隴右諸軍事坐論功虛偽免官後為  
鎮南將軍豫州刺史坐討吳賊虛張首級詔曰昔雲  
中守魏尚以斬首不實受刑武牙將軍田順以詐增  
虜獲自殺誣罔敗法古今所疾鑿備大臣吾所取信  
往者西事公欺朝廷以敗為得竟不推究中間黜免  
未久尋復授用莫能補過而乃與下同詐所謂大臣  
義得爾乎有司奏是也顧未忍耳今遣歸田里終身  
不得復用勿削爵土也久之拜光祿勳復為司隸校  
尉稍加特進遷右光祿大夫開府領司徒前代三公  
冊拜皆設小會所以崇宰輔之制也自魏末已後廢  
不復行至鑿有詔令會遂以為常太康末拜司空領  
太子太傅武帝崩鑿與中護軍張劭監統山陵時大  
司馬汝南王亮為太傅楊駿所疑不敢臨喪出營城  
外時有告亮欲舉兵討駿駿大懼白太后令帝為手  
詔詔鑿及張劭使率陵兵討亮劭駿甥也便率所領  
催鑿速發鑿以為不然保持之遣人密覘視亮已別  
道還許曰仁是駿止論者稱之山陵訖封昌安縣侯  
元康初為太尉年以十餘克壯慷慨自遇若少年時  
人美之尋薨諡曰元子陋字虔賤服封歷屯騎校尉

温羨

温羨字長卿太原祁人漢護羌校尉序之後也祖恢  
魏揚州刺史父恭濟南太守兄弟六人並知名於世  
號曰六龍羨少以朗寤見稱齊王攸辟為掾遷尚書  
郎惠帝即位拜豫州刺史入為散騎常侍累遷尚書  
及齊王罔輔政以羨傲之故吏意特親之轉吏部尚  
書先是張華被誅罔建議欲復其官爵論者或以為  
非羨駁之曰自天子已下爭臣各有差不得歸罪於  
一人也故晏子曰為已死亡非其親昵誰能任之里  
克之殺二庶隙乞之立陽生漢六朝之誅諸呂皆積年

之後乃得立事未有事主見有行而得行其志於數月

之內者也式乾之會張華獨諫上宰不和不能承風

贊善望其拍麾從命不亦難乎况今皇后譖害其子

內難不預禮非所任且后體齊於帝尊同皇極罪在

枉子事不為逆義非所討今以華不能廢枉子之后

與趙盾不討殺君之賊同而貶責之於義不經通也

華竟得追復爵位其後以從駕討成都王穎有勲封

大陵縣公邑千八百戶出為冀州刺史加後將軍范

陽王虓歿於許昌也自赦冀州羨乃避之惠帝之幸

長安以羨為中書令不就及帝遷洛陽徵為中書監



加散騎常侍宋拜會帝崩懷帝即位遷左光祿大夫  
開府領司徒論者僉謂為速在位未幾病卒贈司徒  
謚曰元有三子祗允裕祗字敬齊太傅西曹掾允字  
敬咸太子舍人裕字敬嗣尚武安長公主官至左光  
祿大夫

史臣曰晉氏中朝承累世之資建兼并之業衣冠斯  
盛英彥如林此數公者或以雅望處台槐或以其名  
居保傳自非一時之秀亦曷能至于斯惜其參緘於  
論道之辰獨善於兼濟之日良圖鯁議無以多談然  
退已進賢林叔弘推讓之美自家刑國宜伯協恭享

之規子若之儒素為基偉容之苦節流譽慶垂耒葉  
不亦宜哉石鑒以公亮升溫羨以明寤顯屬于危亂  
不墮其名歲寒見松柏之後彫斯人之謂矣  
贊曰讓矣密陵孝哉廣陸欽既博雅表亦貞肅鑒績  
克宣溫聲載穆同鏘玉振爭芬蘭郁

列傳第四

晉書四十四

Faint red seal impression, likely bleed-through from the reverse side of the page.

Red seal impression in seal script (Zhuanshu), located in the upper portion of the ruled area.

Red seal impression in seal script (Zhuanshu), located in the lower portion of the ruled area.

